




嘉興府志



嘉興府知府善化許瑤光重輯

名宦二

嘉善縣

明

鄭時字習之沂州人歲貢生宣德初知玉田縣改嘉善性


坦易不尚刑罰時縣治初建百事未舉與僚佐夙夜經

營勞民動衆而下無怨言九載乞休

吳志

楊懋四川永寧人宣德三年任魏塘巡檢地當松秀要衝

有中使夜過舟重命懋括民舟挽之懋怒將檢閱其行



裝中使恐夜易小舟去有鹽徒行劫懋率兵追捕格鬪數十合子殞賊手官兵稍卻懋氣益奮卒縛渠魁下獄梟市臺府上其功加主簿俸時初分縣治委懋經營不逾年而官廨學舍皆告成焉

浙江通志參嘉善于志

聶如斌豐城人宣德十年任典史職董水利令民廣築隄防常潛乘小舸察民勤惰以行勸懲境內大水憲臣驗荒者意有齟齬如斌即自投田間水深沒頂憲臣動容民得免稅又以北鄉田久荒民苦賠輸督民高其圩塍以備水患民皆賴之

浙江通志參吳志

李遜字時敏南豐人正統進士知縣事機警有吏才不

能欺性寬易民有過笞之未嘗褫衣九載將行民

官乞留事聞進秩本府通判後以征閩寇督餉有功陞

知廉州府

吳志參嘉善于志

陳昉字勉之宜興人在訓導學問宏博訓士子悉根義理夜輒躬巡學舍察諸勤惰秩滿拜監察御史

沈律字應和崑山人由舉人中禮部乙榜授訓導性坦易作起士類兩與福建河南同考官監生李萼有母妻喪不克葬律首助之陞昌黎教諭

曾師孔惠安人由舉人任教諭勤于講授諸生貧而無書

者購畀之或有饋遺拒不納

以上嘉善于志

汪貴字良貴歙縣人成化進士知縣事廉潔狷介愛民如
子歲汰無名之費數十萬錢倉庾學校多其構葺然性
伉直短于應對不為當道所容又為政不便豪猾以是
坐調瀕行橐篋蕭然擁留者數千人時華亭張莊簡公
悅素知貴名白其賢家宰王端毅公恕疏令復任

吳志
參嘉

善于
志

王緒字紹夫樂平人應天鄉試舉人授訓導立教尚嚴時
學宮就圯緒不請有司勸鄉之尚義者助建學門溝庫
舍登石闌新聖賢之像飾祭祀之器皆有程式同時訓

導劉汝瞻字民望宣城人歲貢生為人清約講論斷斷
與緒寬嚴相濟緒秩滿擢知忠州汝瞻在任六年

嘉善于志參
浙江通志

潘瑜龍溪人隆慶衛籍監生任邑丞剛果有為不惕于勢
嘗謁臬司隸卒二人至瑜館有所索瑜留之密往白于

臬司李延壽壯之即令推訊二人伏辜瑜剔刷百弊好
豪屏跡嘗廣學舍置義田陞長安知縣

嘉善
于志

劉子厲字克溫江西人宏治進士知縣事性廉敏精悍斷
獄律比銖兩重輕皆自出其手胥吏奉成案而已政雖
嚴明中實慈惠操履清白或以權勢臨之屹然不動三

載徵為監察御史

浙江通志參
嘉善于志

藍郁字國馨鹽城人宏治進士初知蘄陽改任嘉善操守廉潔愛民好士尤以厚風俗祛民患為亟有訟者輒以至誠動之不任刑而民自服甫一載卒于官嘉善志
區越字文廣新會人宏治進士正德元年知縣事少遊陳獻章之門慈祥簡靜得親民體平居無疾言遽色民甚懷之擢戶部主事

李錫字天祐登封人監生正德三年任主簿性侃直有大節八年江西姚源洞盜起犯衢州開化等縣錫應選率民兵往禦至開化之馬金街斬獲賊首三顆力屈被擒死于安仁之花橋贈本縣知縣後知縣張煥建尚節祠祀之

祀之

王德明字宗周清苑人正德進士知封邱縣改嘉善持法平允吏不能欺當道文移有不便者默寢之尤加意學

校禮貌諸生累官山西巡撫僉都御史以上嘉善志

譏字公在咸寧人正德進士由諫垣謫邑丞素簡伉痛

抑豪猾詢求民隱于財賦水利之法靡不究心創脩縣

志建思賢書院毀淫祠嚴保甲置義塚及社學三載擢

任邱知縣嘉善志

郭田字汝耕長安人正德進士知長子縣改任嘉善性簡

直政令畫一堅持冰檠操人有饋遺輒峻拒之嘗指白

鏗謂左右曰此能亡身敗家爾等毋為所污時有生員朱愚上書陳其過即榜其書于縣門引以自責歷官布政司參議

陳大韶字舜舉高明人童時嘗道拾美珠飾俟其主還之侍父謁選京師父歿萬里歸櫬廬墓三年母喪廬墓如初事聞詔旌其門尋以選貢授訓導性淳篤言若不出口動以禮信自持人稱為毋欺先生在任七年致仕

嘉善章志

何天啟字義

吳志浙江通志俱作義

占貴溪人嘉靖進士由諫垣謫

丞遷令嘉善前此訟多停滯天啟至三日剖決無留勾

攝不遣隸卒民無騷擾值歲潦力請蠲免竟為當道所阻乃以贖緩抵賦由是益得廉譽逾年陞南雄府同知于業字建公金壇人嘉靖進士知縣事性精敏猾吏不能為奸歲祲申請蠲貸邑無饑民為政敦大體延邑人陸邶郁天民重修邑乘置學田旌節孝尤勤考課以振後學三載拜監察御史官至北畿督學使者以上吳志參嘉善章志蔡煥同安人由選貢任崑山訓導嘉靖癸卯應天解元署嘉善教諭操履廉靖嘗捐俸課士士非公服莫敢燕見所談惟經義史學諸生成畏慕之後以賢聞召為都察

院司務歷官臨安知府

嘉善章志

陳道基字以忠晉江人同安籍嘉靖進士知縣事性簡易御下以寬凡訊囚期于開釋三年未嘗入一重辟遇豪猾重懲之不少貸故事日輪里長一人供役所費不貲道基酌一年公用之數計派有逋負鬻妻孥以償者輒為代補間有窮民困迫請借公用餘銀以自活道基隨數給之民亦無一負者又擇士聯文會躬為校閱三載擢御史歷官南京刑部尚書

嘉善章志
參吳志

賴恩字英華汀州人官百戶嘉靖甲寅倭寇猖獗總戎調兵于閩恩奉檄禦賊賊突至柙腹出戰斬獲甚多時他將各觀望自保恩以孤軍血戰為伏炮所中墮水死知

縣鄧植聞賊先遁餉絕眾兵入寺造飯賊縱火襲擊兵

大潰

嘉善章志

黃樞字翊卿南昌人嘉靖進士知縣事外嚴內明發奸摘伏法紀凜然邑大潦樞謁大吏免冠頓首請帑金以償賦尤留意里甲役法稱平猾書斂手秩滿陞南京刑部主事遷湖州知府卒于官

吳志

周宗字濟甫安福人嘉靖進士知縣事年少英敏剖決如流常以餘閒進諸生講藝又延名師啟書院擇士有志

者漸摩之厚給廩餼暮年更任華亭歷官吏部侍郎

嘉善

章志參
吳志

許鑑字國器石屏人嘉靖進士知縣事務崇節儉公出不攜厨役私衙不然官燭署中隙地課僮僕種蔬自給時訪民間疾苦有耆老董申洞悉徵糧利弊條陳均徭均賦數事鑑奇之請于巡按龐尙鵬奏行其議立條鞭法著爲令甲龐素嚴峻羣屬莫敢仰視鑑獨慷慨論議不激不阿審錄時見笞囚太重願謂羣隸曰吾民窘無以賂若若無重傷吾民淚且霑霑下龐目之嘆曰是真民之父母也考績北行不能具舟車之費至京拜御史轉

僉事

嘉善章志

蔡懋昭上海縣舉人嘉靖年來任教諭時前令以貪敗訐

之監司歸咎諸生欲嚴繩以法士亦切切不平懋昭至開諭約束之詳立規條俾有遵守凡事涉學校者與邑令婉商處以公平於是上下相安又增學田購書籍脩

祭器學校之中彬彬有禮稱極盛焉

去思碑新補纂

陳文彬字仲則以舉人隆慶年任邑教諭訓士有則愛卹

寒峻爲政尤先大體性廉潔與蔡謝相先後一時稱良

師焉以擢知和平縣去

去思碑新補纂

謝願字伯已別號暘谿江甯人嘉靖年以貢生任訓導初

受學於呂涇野柵呂作四書因問載謝說居多通春秋

以道自任講學訓士多有程式去官之日行李蕭然

去思

碑新
補纂

史朝鉉字貫之晉江人隆慶進士知縣事吏治明察胥吏
屏息性方介莫敢干以私擢南科給事中遷湖州知府
金和字元節長洲人萬曆進士知縣事性嚴峻持政縝密
吏莫敢欺監司令下築圩和每鄉擇巨姓有行者董其
事民不擾而功成至今賴之擢南兵部主事遷員外郎

以上吳志參
嘉善章志

胡燠簡會昌人由拔貢授主簿恂恂儒雅遵佐貳法惟謹
且榜誓言於門以自鑒上官批發據理曉諭不事敲扑
職司巡捕慮夜半邏卒倦卧每乘牖鳴鼓角發號以警
之時鄰府脫囚輒設法捕獲御史上其廉能擢長樂知
縣官至僉事

趙世顯字仁甫侯官人舉人署訓導丰采凝峻好與諸生
講論書法得晉人風骨尤工于詩所著有楚遊蜀遊武
塘諸稿登萬曆癸未進士

以上嘉
善章志

章士雅字循之吳縣人萬曆進士知縣事蒞任後吏無骯
法延邑人盛唐袁黃重脩邑乘營葺學校公署不勞民
力六載陞禮部主事

謝應祥字鳳皋安福人萬曆進士知縣事嚴正有威邑向
無定役貧富不均應祥乃立照田起役法豪右不能漏

稅民德之考試童子拔魏大中冠軍秩滿召拜御史歷
都察院左都御史

林先春字狷庵閩縣

吳志作侯官

人天啟進士知縣事恬澹無

欲風采凝然待民間投獻成習先春痛懲之弊始衰息
魏忠節斃詔獄追緩先春力為轉旋恤死庇生靡所不
至愛士尤篤有嘯山課業丁外艱歸教授生徒四十餘
年

蔡鵬霄字培自晉江人崇禎進士知縣事詢求民隱以興
利除弊為己任憫糧役繁苦博采眾議設法均之學宮
傾圮以時脩葺丁艱去服闋擢御史官至太僕寺少卿

李陳玉字謙菴吉水人崇禎進士知縣事甫下車漕兌紛
呶旗弁勒索加橫陳玉執持甚力得復舊規覽邑形勢
購地築鶴湖書院建鳴鶴樓于縣治後請增科舉入學
額接見諸生以經義治事相勉且勸讀史漢大學衍義
聘已卯分校得士七人俱有才名所著退思堂集離騷
箋註易書詩經解行世秩滿陞禮部主事

以上嘉善楊志

國朝

劉肅之字欽中安陽人舉人知縣事順治二年邑初定餘
寇未殄撫綏安集以慈惠稱陞刑部主事歷官溫州知

府

嘉善楊志參吳志

莫大勳字魯巖宜興人順治進士康熙八年知縣事蒞任
初縣丞李婪橫大勳以嚴正待之懾不敢動御下不假
顏色胥隸皆股慄退聽撫民寬和待士有禮屆清丈平
役均賦實行官收官兌法上官嘉之頒行通省以爲例
在任七載清介之守始終不易舉卓異不能治裝士民
感恩輸助父老扶筇攀卧三十里臨別灑泣猶惓惓以
虛糧未盡去蕩糧未盡清三歎息焉考選擢給事中
通志參
吳志
闕振字翼公永定人舉人康熙丙午知縣事清剔逋賦識
拔名流以讒陷免官

楊廉字澹庵遼陽人以恩廕授知縣性剛果不畏強禦脩
築北鄉塍岸農人賴之邑志自章令士雅纂脩後八十
餘年散佚無稽前莫令大勳甫事整輯卽內陞去廉敦
聘紳士重脩刊刻燦然有章在任三載餘以罣誤去
任雲蛟字澹庵蕭山人順治舉人康熙丙午任教諭每月
課文品題甲乙不稍假借鬻序傾圮謀于紳士鳩工脩
葺堂廡聿新在任十年卒
盧燦字孟輝奉天海州人康熙壬子授邑丞遇事敏幹而
持以鎮靜擢龍游令

邵廷章字于會建德人康熙舉人授教諭課士一歲數舉

加意教育刻有魏塘課義三集遇歲科案發其新生之貧者槩不受費兩次增葺黌宮後陞四川琪縣知縣

崔維華字西巖奉天人知縣事服官勤慎詳革塘長重築圩岸均有利於民續脩丁巳以後七年邑志維華父原任湖廣藩司錢糧未楚奉檄核算解任去

盧宜字公弼定海人康熙舉人由蕭山教諭調補學問淵深勤于著述教士寬嚴有法陞貴州鎮遠令

李之藻字辰銘武定州人兄文襄公之芳總制兩浙值耿逆之變之藻隨任行間効力有能名後知縣事嚴明剛介喜訟者俱斂跡之藻念民力惟艱三月開徵農忙畢

後始摘催一二革除漕糧私派飭東旗丁肆橫督濬城河淺隘禮士崇文政教悉舉三載丁內艱去

閔元賞字紫階烏程人康熙舉人任教諭性和厚教士誠懇勤干課試刻有鶴湖會藝四集倡脩學校在任十八年與司訓趙汝旭趙天吉寅恭盡職卒于官

于舜枚字叶虞金壇人以副貢知縣事仁恕明敏精于剖斷省差不擾澄剔舊逋分十限以紓民力脩復思賢書院與士子虛懷講學刻有會課文二集詩賦一集一時文風斐然以註誤去

李夢昂字震爲江都人康熙進士遷庶常改授知縣性端

疑操守清潔念嵌糧攤賠貽累力持正疆歸額之議丁
內艱去後官至貴州鎮遠守

康珪字輯瑞榮澤人由廕生爲邑丞循謹自飭不輕受民
一詞每委理民訟必勸令解釋康熙乙酉

御舟由松入淞道經嘉善當事議毀三官堂橋以待珪謂橋
高無碍力持獲免在任十七年卒貧無以歸知縣梁文
煥捐助百金返葬

沈雲鴻字又京杭州人康熙舉人任教諭課士甚嚴與人
交敦古道以學宮傾圮商之邑長紳士重爲脩葺并更
新署舍議重建文昌閣未果陞嚴州教授所刻山石堂
會業暨司訓沈紹曾評選武水月課文並行於世

邵煜字夢陽登封人康熙舉人知縣事勤慎明敏革浮糧
清漕弊嚴緝盜賊昭雪冤誣期年獄訟鮮少以其餘力
興利脩廢若城垣樓櫓壇壝祠宇倉廩官廨及義學義
塚河渠圩岸橋梁之屬公私賴焉性孝友且嗜學公暇
輒研究周易性理孝經每校士親加評隲列前茅者多
獲售一時稱盛陞中書科中書

周宗達字重章山西山陰人任主簿居官勤慎聽斷明允
尤篤于寅誼助康丞之喪恤王丞之孤人咸稱之後陞
任黔中紳士餞別賦詩有留惠集

楊繩祖字景西山西籍江南山陽人康熙舉人由冀州牧
改任嘉善銳精圖治寬猛得宜重構倉廳擴脩忠義孝
弟祠殷懷禮士常捐俸資其膏火逋租估種者分別懲
儆議歸復嵌田續脩邑乘葺梅花道人墓復建亞聖祠
俱未果期年病卒

以上嘉善戈志

張鏞字東序無錫人康熙進士雍正元年知縣事爲人寧
靜恂恂儒雅以振興文教爲己任脩思賢書院厚給膏
火集邑中俊秀肄業其中以左遷去士民懷之

李天桂字馥山大興人貢生知縣事有惠政縣收漕會久
雨米色腐爛坐罷職行治罪矣天桂詣城隍廟仰天呼

曰嘉善十萬漕我自問無顆粒入己乃令死于此乎士
民觀者皆爲感動有某氏子前曰公勿憂我等當復完
耳一夕遍傳邨市三日復得米三千餘石輸未畢啟前
厥貯視之則數寸以下皆精粒也旋以課完予復職

戈鳴岐字桐園景州人以舉人任嘉興令卓異候陞旋補
嘉善令續修縣志時稱循吏焉

羅緒字天根閬中人舉人雍正十一年由昌化令署嘉善
縣事操守清慎聽獄明允民有構訟者緒呼兩造至案
前委曲開諭民咸悅服數月之後案牘日稀嘗勸義塾
以教民學先時楊廉戈鳴岐纂志未竟緒延邑中紳士

續成之以註誤去邑人作詩送之名慈航集

張聖訓字杏傳奉天鑲白旗人雍正進士乾隆元年以翰林改授知縣聽訟明決庭無留獄嘉善賦額視六邑較重而旗丁積蠹更抑勒爲奸聖訓廉知其弊因令各廠削竹編字號民自探籌得某厥卽持而從之槩而溢累黍者立加之罰胥吏皆懾息莫敢恣肆建魏塘書院集士之秀者課以文藝親定甲乙凡勞農弭盜皆實力奉行其循聲遺愛至今邑人猶傳誦之

陳以剛字燭門天長人康熙進士乾隆三年蒞任爲人強毅愛民重士尤長于斷獄有以奴倍主者勢張甚以剛執而鞠之伏其辜隣邑有殺人者獄久不具大吏檄以剛往一訊卽得又較正市斛使歸畫一懋遷者咸賴其利因號曰天長斛工詩善書文學政事兼而有之

陶學楠南城人乾隆九年由儒士授邑尉緝盜安民勤于職守時拐黨肆毒有受其重賂者力護之學楠盡法嚴懲搜拔根株當時有陶青天之名至今稱幹吏必推陶尉云

饒萬鑑長沙人貢生乾隆十一年知縣事性廉介政尙簡靜不事鞭扑時嘉禾六邑皆患螟災獨嘉善有秋民咸德之在任一年以引年去士民賦詩餞別名其集曰武

水清音

梁徽字慎五介休人舉人乾隆二十二年知縣事召邑中父老詢以利弊武塘東連松柳西接秀水水鄉寥闊時有剽竊徽嚴飭捕保力行保甲法捐俸招募技勇協同巡緝萑苻戢影民得安居又以西北二鄉地形窪下每遇秋霖傷稼徽令于農隙時高築圩岸以禦水患他若崇學校釐漕弊置義塚以及育嬰堂同善會凡有益于民者莫不盡心籌畫調錢塘終杭州東海防同知

孫震奉天正紅旗人舉人乾隆三十一年知縣事居心仁厚愛民如子有孫佛子之稱蒞任半載以越獄去官士民咸惜之

周樽字眉亭昆明人乾隆舉人知縣事性剛直不畏強禦有蠹吏稔惡不悅樽婉諭之曰若所爲吾盡知之今貸爾罪後有犯無赦吏涕泣悔悟終樽之任皆奉法惟謹以卓異擢本郡通判歷官安徽布政使

諸克任字伊人號虛白錢塘人乾隆丙辰舉人壬戌明通博聞強記處事明練歷佐大府幕丁亥補教諭兼掌魏塘書院悉心講貫爲人和厚所作詩文清麗有骨後陞寧波府教授

孫奇字國珍三河人以吏員授主簿分駐風涇鎮鎮與松

江婁縣接壤作奸者每藉鄰境爲逋藪奇擒治不少貸
操守廉介卒于官

邵于柝字學庵富陽人以歲貢選訓導學問淵雅尤長于
詩時邑多火葬者于柝作詩勸之俗爲之變在任六年

引疾去

以上伊志

倪象占號九山象山優貢任嘉善訓導以善教稱

干志

黃浩字畫峯江蘇人嘉慶道光間任楓涇主簿凡遇家有
老親貧不能餬口而以索詐訴者則勸被告稍周之不
聽則出已錢千文使爲小貿易以養親因而感激從善
者甚衆以老病乞歸民有追送不舍者

干志

萬相賓字觀亭江西德化縣舉人乾隆乙卯大挑以知縣

服官浙省嘉慶元年任嘉善縣修學校浚台沙堵二壩
設義園輯志乘在任五年屢辦清漕一塵不染安民息
訟案牘無留猶其餘事同治九年十二年邑紳周士鏜
等先後稟請入告祀名宦祠光緒元年奉部議以胞姪
萬青藜現任禮部尚書例應迴避存記

新纂

惲敷江蘇陽和縣舉人道光二年任嘉善縣時當災賑設
立粥廠撈救屍棺所定賑濟章程盡善無弊是年冬別
縣有以晚稻布種尙可開倉減征者惟公堅請停止以
蘇民困災黎感激尤甚又興修水利濬華亭塘捐俸建

嘉興府志 卷四
張涇滙大橋他如平聽訟絕苞苴禁鬪喪重考課惠政
尤多光緒元年入祀嘉善縣名宦祠 新纂

孫步康會稽人廩貢生博通經史尤邃於易性廉潔愛士
道光癸未冬攝篆訓導甫受事以育材興教為己任遂
傳柬招諸生勗以士先器識而後文藝值歲饑分俸以
贍貧士月課見有才堪造就時賜酒食勤施講解感動
士林邑人陳言有送歸序 新纂

汪能肅山陰人嘉慶戊辰以廣西籍領解改歸原籍道光
九年任教諭居官清介善鑒金石訓士務在德化博學
好古著有魏塘人物攷休休壺山魏塘詩古文等集二
十一年卒於官貧不能歸遂葬嘉善多士思其遺教俾
其孫入籍應試 新纂

張錫戊蕭山縣舉人道光二十九年任教諭課士以嚴優
卹備至學中季考月課久為具文錫戊力整飭之又捐
俸獎賞並置田若干畝 見學田額數條內 為季考膏火多士始
知向學尊師考課無曠咸豐八年以母病去職

李楨號碩亭奉天甯遠州人道光年任楓涇主簿南有金
帝廟僧文海以浮屠射利年久屍皆暴露楨延紳瘞埋
涇有同善會經理吳姓因貲絀幾廢弛楨延郁道銘董
其事酌定條規事垂久遊 新纂

徐廣緒字子容海州沐陽人道光年任主簿廉平簡易人心悅服有大姓控佃欠租佃年甫十五號泣不已廣緒憐之予錢使償業主歲丁未鄉里惑妖言奉芙蓉灣石人為大仙祈禱雲集奸民因以為利嚴禁之并撻其石鄉愚始悟而散工詩善畫平時以筆墨自娛 新纂

張學廣號麓田直隸人咸豐間任主簿廉靜狷介好士愛民工繪花果為時珍重咸豐辛酉以俸滿赴省驗看杭城陷不屈自縊死 新纂

海鹽縣

漢

案海鹽圖經謂海鹽令長秦先漢無考以東漢為始又謂前志載漢令蘇章蓋據後漢書蘇章傳嘗為武原長也不知武原是鄉未嘗為縣惟彭城有武原縣豈得謂是茲土乎舊志名宦蘇章傳今刪

白沃史君順帝永建二年令也初縣治在武原鄉陷為當湖君乘馬走指得湖東北一角遂不沒民建廟祀之 海鹽

圖經

吳

步騭字子山臨淮淮陰人孫權召為主記除海鹽長性寬雅博研道藝訓齊風俗後代陸遜為丞相 三國志本傳參吳志

葛公失其名丹陽人有經國才仕吳歷宰海鹽及臨安山陰後封吳壽縣侯

抱朴子

晉

鮑陋隆安中為縣令會稽賊孫恩攻縣陋禦之恩走復遣

子嗣之以兵一千為劉裕前鋒追恩裕慮吳人不習戰

命居後嗣之竟前戰死陋終益州刺史

劉志

虞潭吳國內史軍荒之後脩滬瀆壘以備海沙百姓賴之

袁山松吳國內史孫恩作亂山松築滬瀆壘緣海備之後

為恩所攻陷被害

以上海鹽圖經案滬瀆在今松江東北六十里舊海鹽東北境

祖撫海鹽令有集三卷

隋書經籍志按海鹽圖經誤作梁人有集三十卷吳志又誤作隋

南北朝

虞邱進字豫之邗人從宋武帝征孫恩破賊張驃追至海

鹽故治頻戰有功

海鹽圖經

王孚瑯琊臨沂人為縣令泰始初天下叛亂孚以兵從巴

陵王休若討顧琛琛欲泛海走會稽孚邀擊之不得渡

官至司徒記室參軍

吳志

孔僉會稽人少師事何允三為五經博士遷尚書祠部郎

出為海鹽令

袁志

周顒字彥倫汝南安城人隱居鍾山應詔出為海鹽令孔

德璋作北山移文嘲之終國子博士

吳志案本傳建元初顒為山陰令

呂向文選注作應詔出為海鹽令

蕭特字世達齊高帝曾孫子雲之子官太子舍人出為海

鹽令

海鹽圖經

劉霽字士湮平原人天監中為海鹽令以和理著稱

冊府元龜

徐份陵之子有父風解褐為秘書郎累遷太子洗馬出為

海鹽令甚有治績

陳書徐儉傳

唐

劉長卿字文房河間人開元進士至德二年攝海鹽令終

隨州刺史長卿有攝令上節度李公詩云昔忝登龍首

能傷困驥鳴遂令辭短褐仍欲請長纓罷攝後還舊居

詩云累辱羣公薦頻露一尉微去緣焚玉石來為采葑

菲州縣名何在漁樵事亦違讀此知長卿登第為尉後

以事貶廢復應李公浙西幕府辟為監察御史始承攝

縣之道也

姚南仲下邳人乾元初擢制科授太子校書右補闕出為

海鹽令觀察使韓滉辟為推官歷尚書右僕射

以上海鹽圖經

李諤字士恢長慶中令海鹽察俗利病引河流資灌溉開

古涇三百以禦水旱民至今利之嘗于西郊立望城館

張祐題之以詩

唐書地理志參海鹽圖經

宋

黃郎中失其名海鹽圖經或云名道宋初賢令民立廟于州前祀之

何執中有重修碑記吳志

魯宗道字貫之亳州人舉進士為海鹽令疏治東南舊港

口導海水至邑下人以為利號魯公浦官至參知政事

謚簡肅東都事略

石知一太平興國中以主簿攝縣始建儒學縣東翁緯為

之碑記蓋有功于文教者也

翁緯海鹽令初縣學建于烏夜逼近農田景德四年緯移

建于縣東自為記吳志

褚瑄嘉祐七年以屯田員外郎知縣事兼管勾鹽場騎都

尉遷廟學于縣南堂齋小學並新之吳志參海鹽圖經

李惟幾字幾道河內人嘉祐中為海鹽令時荐饑漕使元

絳行郡惟幾上書乞啟郡帑假官錢貸民糴種濬治溝

洫以備水旱又植木為閘及置鄉底堰三十餘所民賴

以稔柳志

范世京字延祖吳人文正公孫進士熙甯間令海鹽勸民

孝友力田治聲冠浙右趙圖記

何執中字伯通處州龍泉人進士高第判台亳二州元祐

二年知海鹽政識先務興學校築捍海隄置瀦水閘邑

人紀其十異五年遷太學博士官太宰吳志

喬大臨政和三年為縣令時朱勔以花石得幸浙江之西
 一花一石不問何人家朱氏蒼頭排闥而入以黃紙封
 之戒主人曰善護御前物蒼頭至海鹽入僧房將盡封
 其花石僧徒少拂其意即鑿之訴于縣大臨命追逮杖
 十餘人朱勔誣劾之坐是罷免

柳志

朱良宇良伯吳郡人仕海鹽尉時金人分兵入境良集射
 士百餘奮而前力不敵竟死事聞官其子

續文獻通考

丁安義紹興時為海鹽丞值歲旱詔復民租十之八而和
 糴尚未罷安義語令曰歲饑常賦且減不應復有和糴
 即上官怒安義請以身當之檄屢下抗論反覆卒賴以

免浙江通志

徐光寶字德充晉江人進士淳熙十三年為海鹽令好獎
 善類聞民行孝友即加褒異性慈愛歲旦縱囚歸省吏
 恐亡去囚輒如期至無敢耽者

州以上袁志

邱耒字少潛常熟人紹興中知海鹽泊學宮築海堤二十
 里民有宿逋檢縣藏得羨餘悉為代輸縣有疑獄一時

平反嘉靖浙江通志案題名記紹興中並無邱耒今考福業院常棊碑云紹定元年大夫邱公來治事

法喜寺碑亦同則是紹定而非紹興也當以金石刻為據

劉銓字全之樂清人進士隆興二年知縣事值水災請停

秋苗法勸富人助賑全活甚眾學舍久廢以圭租二百

斛倡修之王龜齡誌墓稱其政務循良惜在官不久云

吳志

李大卞乾道中為令縣境有常豐二閘歲久僅存其一

日就隳壞大卞重修以復其舊且置堰以通往來民便之

海鹽志

趙師石澈水志淳熙中澈浦監鎮知秀州趙善悉嘗薦之

於朝時黃洽為中丞以所親屬善悉善悉聞師石材而

未識面薦而後報曰宜以中丞所親為後洽大恚

趙善悉淳熙九年知秀州開濬海鹽官塘增置鄉底堰以上

海鹽圖經

李直養字無害維揚人初為海鹽丞紹熙吳志元年薦知

縣事興修水利增置鄉底堰八十餘所重葢閘屋易閘

板自是農被其利又修大成殿置書籍祭服兼設小學

廨舍亭館無不葺繕為叢冢湯山撈溺海屍葬之歲以

數百計先是縣未有志自直養創成之浙江通志參吳志海鹽圖經

施棐字徵晉紹熙四年為海鹽教諭植品修潔著有小學

吳志

陳仲微字致廣高安人嘉泰二年舉進士遷海鹽丞鄰邑

有疑獄十年不決郡首命仲微按之一問立決後拜殿

中侍御史

宋史本傳

厲夢龍東陽人淳祐二年任鮑郎場司鹽歲大歉清苦檢

飭竭力奉公三年鹽課以足

吳志

朱寤炎字叔明朱良曾孫寶祐初尉海鹽持論廉恕決獄

平允郡帥多屬以事

劉志

汪元圭婺源人宋末嘗獻軍國十策特補承信郎茶院監

酒海鹽朱志案激水志酒庫昔在瑛城後遷茶院去

與城一十二里後漕司庫官兼之是知茶院酒官即激浦監酒也

元

顧泳汴人世祖至元二十一年知海鹽州值大旱禱祀陳

山雨立至築塘禦潮患名捍海塘卒于官貧不能還子

孫葬泳尙胥橋南遂家焉

邱世良字子正大德中教授海鹽嘗復學田楊載集有贈

邱子正之海鹽詩

呂德裕字文饒袁志單父人延祐中為海鹽教授初學田

萬畝餘俱被侵蠹德裕搜剔之以所入興修廟學德裕

處己以嚴行事有節時知州事趙孟貫賈禧先後有志

作興德裕亦卓然有成翰林陳旅書其績以為才可大

用云以上海鹽圖經

李仲彬至治三年知海鹽州甫下車時雨若禾黍成歌謠

載途又知州李蘭奚察邇見遠奸宄僉得其情又海砂

場鹽司丞抹速忽廉幹寡欲能潔其操亭民不煩三賢堂碑

記

趙孟貫字子唯黃巖人泰定時為海鹽知州有惠政民思

之

賈禧字吉甫宛邱人泰定時為海鹽知州能行之以正限

之以信羣佐若卑弟子老胥肅然奉之以上樂郊私語

葉彥中字大中松陽人至正時知州事才敏有風操累官

御史

陸德中失其名行省參知政事陳秀民有送德中赴海鹽

知州詩

陳某並其名字亦佚之正至二年任知州興學校作大成

樂範金為鐘及造琴瑟笙磬之屬集諸生三十二人肄

習之

范廉卿欒城人至正十八年以蔭補蘆瀝巡檢為人恂恂

儒者善騎射州瀕海亡命販私鹽擅利飛棹往來莫之

敢撻至是皆心懼廉卿境內毋敢私販者時推官陳春

以平反鹽獄百人見稱大僚以為使巡官人人如范何

必陳司理平反也

明

郭貞濟南人以吏員為典史奉職公勤有幹才洪武二十

三年知縣淡成奏保陞縣丞以上海鹽圖經

龐曷博興人進士建文二年知縣事祛刷吏弊深得民心

永樂元年應求賢舉陞工部郎申吳志

張佑金壇人建文四年任典史佐理公勤吏民畏服永樂

二年應求賢舉陞長樂縣丞海鹽圖經

畢瑗永樂五年知縣事築田圍一千六百四十民利之

吳復閩縣人永樂時以知印除海鹽簿聲績大著累官工

部侍郎以上吳志

袁惟善贛州人吏員為海鹽丞勤撫字平徭役民悅服之

永樂十二年坐事謫徒民具績訴于郡郡轉聞之朝下

所司覆實得復職海鹽圖經

上官廉南豐人舉人永樂十二年知海鹽縣公平正直和

易近民歿于官歸葬之日民有執紼號泣者海鹽朱志

陳諤字克忠番禺人舉人永樂初官給事中歷陞順天府

尹謫知海鹽著有政績後遷長史吳志

王端字宗正河間人監生正統十四年為海鹽令勤慎廉

平苞苴不行刑罰不濫景泰五年朝覲還卒于途聞者

莫不歎息浙江通志

郭禮蒲州人正統間任典史清儉介直蒞下有威民信服之

黃楚章豐城人歲貢生正統間授教諭設學規甚嚴與訓導鄭理劇協心誘迪士習一振

鄭理劇閩縣人舉人正統中授訓導以經義德行教諸生為體用之學士知嚮方焉

孫芳沈陽人正統中授訓導以興起斯文為己任增置學舍與諸生日夜講授俱有程度絃誦之聲至曉不輟

莫震字霆威吳江人進士景泰七年補海鹽令任七月有威嚴吏民敬畏不敢干以私終延平府同知以上海鹽圖經

周灝字秉純邵武人舉人成化三年知縣事往例里甲派馬價百金灝遣還之有積吏劉淵者以弄法致千金灝

案其奸徵收例有羨餘灝悉貯庫以充正數縣苦徭稅灝議捐賦之法遂減其徭之半在任三年清介如一日

擢松江府同知未赴卒邵武府志

楊克敬字宗禮真定人監生成化六年為海鹽令端重耿介懲豪右後以執法為奸者所誣民聲其冤卒不白

李雲字載章分宜人進士成化十年任潯澈川水道葺繕邑城稱能吏以上吳志

譚秀字聳秀江西龍泉人舉人成化中知海鹽縣先是海

塘修築役七邑民夫爲陂陀形易圯秀僱役改築植椿
疊石稍殺其外以禦潮水自此無患嘉靖浙江通志

陳暹字序進莆田人舉人成化中教諭有儀範工詞翰修
葺縣志袁志

林榮字希袁志仁閩縣人舉人成化中授教諭待諸生

以恩義有脫其妻簪珥爲贄者固辭不受卒于官貧無
以殮張給諫甯謂榮貌與心同言與行皆君子也

陳良字秉善莆田人舉人成化中授教諭以蔡氏書教諸
生多所成就以上海鹽圖經

王璽字仲信廬陵人進士宏治十二年知海鹽新縣治興
廟學築塘捍海砥方石縱橫相制尤爲得法人呼爲龍

王廟前樣塘擢知德慶州浙江通志

李頌字文嘉考城人舉人宏治末知海鹽縣篤厚廉謹士
大夫號爲長者

嵇綱字汝堅安東人舉人正德時自於潛令調海鹽蒞政
二年案無留事獄無繫囚吏民懷服擢知湖州守以上吳志

辛九齡字希章袁志蔚州人舉人正德時知縣事剛方
自負不私一錢海鹽圖經

朱實昌字士光高安人進士正德時知海鹽縣時官河堙
塞捐俸疏濬之在任三載召拜御史實昌長子吟咏其

試士詩有神駿留奇骨干將有異光之句時傳誦之吳志

張濂字景周薊州人進士正德中知海鹽縣蒞政三年民

歌之曰前堂無吏人後堂無擾人堂下無犯人擢監察

御史浙江通志

呂湯民河東人案海鹽圖經浙江通志作南河人監生正德中為海鹽丞

事母至孝為政清平卒于官歸無行貲

劉桂字子芳黃岡人進士嘉靖初知海鹽縣洞察民隱不

妄施刑工古文校訂郡中先達遺集終合州知州以上吳志

張聽字鵠舉泰興人進士以諫武廟南巡廷杖罷官嘉靖

四年起補海鹽令為政得大體民困徵役聽至減十之

五陞湖州同知官至戶部侍郎民懷其德立解帶亭浙江

通志參海鹽圖經

夏浚字惟明玉山人進士嘉靖九年知海鹽縣英敏有學

識賦役多所調劑水鄉竈歸民後所授之蕩歲徵草價

納鹺司賠累不一浚乃改議蕩給濱竈價并歸民糧其

濱竈舊所免民田之耗悉徵之選雋茂講授經義正名

宦鄉賢祀典續修縣志人服其簡嚴海鹽圖經

董珩涇縣人進士嘉靖十二年知海鹽時海塘傾圯捐俸

修築又葺澉浦城上官獎勵之

張載陽字子春浮梁人舉人嘉靖二十九年知海鹽時多

嘉興府志 卷四十一
流寇令鄉鎮植柵又選民之壯者晝夜巡禦邑遂無患

以上
吳志

童崇字德崇甌甯人嘉靖中授教諭性抗直善振作士氣
徐咸贈之詩有靜廉不作肥家計諄切期收造士功之

句

吳允隆江西人嘉靖間爲典史奉檄築捍海塘縱橫互制
有法屢經風潮不圯名曰典史樣塘

鄭茂字士元莆田人進士嘉靖三十二年知海鹽值倭亂
茂築城建敵臺集鄉勇晝夜守禦倭凡再薄邑城茂悉
力死守得無患時寇南穴石墩北穴柘林海鹽介其中

村落焚劫幾空茂弔死扶傷日不暇給而軍糧驛馬諸

費咸備無失後以秦駐塢之捷賜白金文綺擢兵科給
事中著有靖海紀畧

李茂南昌人吏員爲巡檢勤慎明敏尤精於射嘉靖癸丑

倭犯海鹽茂卽有牛橋之斬獲甲寅四月倭又猝至茂

佐鄭令備城守器具賊知有備去復守澈浦城悉力捍

禦城賴以全靖海紀畧稱其屢隨征剿氣壯而不懾

海鹽
圖經

何希周新甯人監生嘉靖時爲丞持身謹愿海塘圯壞希

周泣請當道修築陞許州判官

王宗載字仲勉袁志吳志京山人嘉靖進士知縣事問民

疾苦省刑薄稅僉審徭役親自檢括里胥不能為奸濬

水利農不苦旱他如修海塘禁私鹽清覈軍匠查革虛

名兵餉精心悉慮暇與士子講藝多所成就云劉志

李薦佳字伯受潁州人進士嘉靖四十五年知縣事氣度

寬洪政尚簡易擢戶部郎吳志

鄭吳字祖欽順德人進士隆慶三年知縣事時築海塘親

往采石為文諭俗惻怛感人擢南戶部主事吳志參海鹽圖經

范梅字元春豐城人進士隆慶六年知縣事年甫十七明

察如老吏修築角里堤蓄水以憂去

盛德丹徒人歲貢生隆慶中授教諭端嚴寬恕士有冤抑

求達有司者必面拒而潛為之地終不使之知也以上海鹽

高梓字植修貴池人隆慶時訓導清學田徵逋租四百餘

石增置田一百畝時值土人周香聚黨為亂梓白于縣

捕獲之薦擢通判吳志

饒廷錫字文命進賢人進士萬曆二年知縣事政尚嚴肅

犯者罔貸時興役築塘身先百執程事以勞瘁卒祠海

上海鹽圖經

蔡逢時字應期甯國人進士萬曆中知縣事廉潔自持行

均田法以三百二十畝管一役又革坊廂丁田役立門

攤僱夫法邑咸稱平浙江通志

張汝翼景州人歲貢生萬曆時為丞性魯直一塵不染日

惟舖糜而已陞廣甯衛經歷

周之光湘潭人歲貢生萬曆中為丞管糧卻例金人頌之

陞漢陰知縣以上海鹽圖經

黃之俊字君顓清江人進士萬曆十五年知縣事温雅循

謹好恤窮民以劾去清貧自苦民多冤之海鹽圖經參吳志

謝吉卿字修之晉江人進士萬曆十七年知縣事時大饑

民多攘奪吉卿以鎮靜持之再築海塘有勞績海鹽圖經

王臨亨字止之袁志吳志崑山人進士萬曆二十年由西

安縣改知海鹽遇事精敏察獄不越宿縣城久圯加築

高廣海警無恐升杭州知府未任卒浙江通志

李當泰字元祉本姓俞泗州人進士萬曆二十二年知縣

事值編役限士紳免額謝鄰邑詭寄所徵賦稅悉以原

封發解耗羨無染吳志歷官工部郎

杜士全字道執上海人進士萬曆三十年自大冶縣調海

鹽性坦白嘗自謂吾作令于前官無一事更張于上官

無一事條陳獨服膺平易近民四字以為箴警然遇大

利害疑然不少動官至太常卿

漆元中新昌人舉人萬歷中以湘鄉令改教諭嚴取予敦
 氣節士有伺有司謁廟請事者元中聞之先揭其人于
 廟門使其自愧後署崇德以長揖漕使者遷教授勒致
 仕去

翁恆吉壽昌人萬歷中授訓導端方嚴毅有不屈之節
 陳柯當塗人萬歷中為典史歲乙亥開白洋新河築土塘
 督砌捍海石塘勞績甚多陞高安主簿

濮陽春字生府宣城人進士萬歷三十三年自上高縣調
 海鹽任真率與人無忤擢南刑部主事

喬拱時字穀侯上海人進士萬歷三十六年知縣事時衛
 卒餉多冒濫嚴絕其弊清田額行貼役法築捍海塘增
 設漕糧倉廩吏廨及贅街葺堰民多賴之擢兵部郎上

海鹽圖經

何杲吳志海鹽圖經俱作早字白夫懷甯人進士萬歷四十一年知
 縣事初政尙嚴後濟以寬故民畏而見德市肆有門攤
 商稅報派不均杲核而差等之困大蘇行鹽票多至六
 千滯正引且累肩挑賄賊杲令減票二千鹽課以足擢
 監察御史浙江通志

樊維城字亢宗黃岡人萬歷進士知縣事徵賦令民自行
 投櫃省漕兌贈耗數千百石為孝子沈壽康立俎豆修

事 葺張給諫葉侍郎廬墓纂述縣圖經天啟中遷禮部主

朱應熊字渭叟浮梁人進士崇禎五年知海鹽縣為政和
平而吏民畏服陞兵部主事

國朝

郭尙信字誠之遼東人順治七年知海鹽縣治術詳明漕

兌嚴禁旗軍額外科索以白糧註誤人皆惜之以上海鹽續圖

毛一駿字槐眉竟陵人舉人順治十二年知縣事性仁厚

愛民好士尤邃於經學修築城垣監築海塘有殊功

潘宏仁歸安人舉人順治十三年授教諭學問純粹持已

接士皆出于至誠署縣篆清慎著聲陞紹興教授

雷騰龍字化明三原人拔貢生順治十七年知海鹽縣十

八年奏銷抗糧一案先期清算紳衿無錙銖欠各縣呈

累甚多人感服其先見

湯其升字日峯南豐人進士康熙五年知縣事建縣治大

門及更鼓樓盡復舊觀

楊宏仁字蒼霞永安人歲貢生康熙初授海鹽主簿為人

質直不撓以南糧負債自戕民多哀之

黃學孝字衷赤大興人吏員康熙間授海鹽主簿頗著勞

續卒于官見漕兌碑記以上海鹽續圖經

張素仁字靜公遼東人廕生康熙九年知海鹽縣催科力

行滾單不事敲扑漕糧盡革陋規實心造士以興文教

修築海塘發粟賑饑士民尸祝之浙江通志

董佩笈字時瀛武進人進士康熙二十八年知縣事居心

仁厚歷官川東觀察使子伸傳以先人遺愛所在遂家

於海鹽

李鍵字梅墅漢軍正黃旗人監生康熙二十九年知縣事

吏才明敏搏擊頑梗不遺餘力陞綏德州知州

梁澤字采山順德人舉人康熙五十七年知海鹽縣力革

諸役當官自給雇值莊田用順莊法民稱其便喜談藝

創觀成書院於西門外

王仕正字亦清漢軍監生雍正二年知海鹽縣政尚嚴明

獄訟衰息在任十年士民懷之

王紱字子文河南人舉人乾隆四年知縣事未及一載卒

于官遺孤世林世櫨生母汪誓守撫之邑人感公多善

政請于上官撥育嬰堂東北隅以居兼助養殮資世櫨

以寄籍為諸生

周宣猷字雪舫長沙人進士乾隆六年由桐廬令調海鹽

操守廉潔才具明敏不畏強禦作興文教捐資創修邑

志人尤以爲功之偉者

王如珪字桐叔宛平人歲貢生乾隆八年由仙居令調海鹽踵前令周續成邑志俾六十年來文獻有徵如珪力

也以上海鹽續圖經

王錫位貴州人舉人乾隆二十年任鮑郎場大使居官務以德化濱海竈戶相戒勿爲私販歲旱禱雨錫位徒步三里許不以爲勞民居失火叩頭祈禱頭額俱腫解組日囊橐蕭然商民醵金贖以歸

陳愷字藹堂融縣人舉人乾隆二十四年知海鹽縣明于折獄不妄責一人善堪輿治南有高阜愷以爲百里內秀氣所鍾捐廉建奎文閣以鎮之縣之科第綿延亦愷之澤也

王序端字可堂漢軍舉人乾隆癸未任鮑郎場大使奉委撥商捐公銀開濬沿塘新河頗著勞績工詩詞楷法時集士人爲詩文會秩滿擢廣西知縣

陳士琬字月巖仁和人舉人乾隆二十六年授教諭崇尙氣節見有司無諛色月課諸生每卷必爲芟改時有結文社課藝者就士琬正之士琬集諸明倫堂左側課以文一詩一約本日交卷不許攜歸私齋在任六載致仕去

韓本晉字望川陽曲人進士由秀水調知海鹽爲人厚重
政尙甯靜海甯陳氏改毀澈浦孫家堰張老人聞與澈
浦士民糾訟不已本晉請於大吏得復舊制嘗奉檄委
勘孝豐疑獄衆山之中肩輿不能達乃徒步至其處集
諸犯于庭虛衷研鞫寃者咸得雪嗜讀書所在多惠政
有古循吏風民至今思之

張九華字蓮洲號雨亭直隸人舉人乾隆四十四年由景
甯縣調海鹽性長厚操守廉潔邑多徭役派及編戶九
華捐俸任之不以一錢累民歲遇秋試擇一邑能支之
士贈之金以助行貨在任二載深得士民心後以疾卒
于官妾汪氏殉節詳列女傳

吳焯乾隆四十九年署鮑郎場大使時東團場及西海場
俱開濬築修焯與澈浦紳士親督工程不辭勞瘁奉檄
調任復畱澈浦以俟工竣至今利賴之以上伊志

鮑鳴鳳安徽人令海鹽甫下車相度水利鳩工開濬永安
湖并修築湖堤闡座疏理中河支浜戴星出入經畫詳
明去之後澈人戴其德爲立鮑公亭于志

張宗軾字柳溪湖北嘉魚舉人令海鹽愛民如子任鹽十
三年咨訪利病興革得宜未嘗獵取能聲卒於官邑人
思其德不衰于志

楊國翰字丹山滇南進士為海鹽令創修明倫堂蔚文書

院育嬰堂百廢具舉為政寬嚴並濟以實心行實事禁

火葬捐義塚嘗慕魯參政風為葺其祠于志

張力行字顧堂湘潭監生乾隆四十年任知縣加意人材

創立蔚文書院酌經費定章程克垂久遠四十四年調

任平湖邑人朱丕烈為撰德政碑新纂

汪仲洋字少海成都舉人道光元年任知縣時議修築海

塘悉心經畫築塘八十餘丈工程堅固稱為汪公塘刻

有塘工成案築法甚詳公餘賦詩有海壩唱和詩六卷

新纂

來清曙字新齋蕭山舉人道光八年任訓導儉約自持秉

鐸二十載悉心教導邑中能文士登科第者皆出門牆

新纂

楊鶴鳴字琴友侯官舉人道光十八年署知縣政尚寬平

民初犯法剴諭使自新再犯乃嚴懲甄拔書院肄業生

按月集署中督課捐廉給獎文風一振新纂

王瑩字瑟園鄞縣舉人道光十八年任海鹽教諭積學淵

博時太守于尚齡修郡志瑩任分纂收訪遺書採擇確

當新纂

陳祥熾字椒堂諸暨人舉人道光二十二年任教諭整頓

士習按月課藝歷年不替助祭諸生有衣冠不整者嚴
飭之採訪節孝二千餘人詳請旌表己酉襄辦賑務能

得人心新纂

段光清字鏡湖宿松人舉人道光二十九年署知縣勤吏

事日坐堂皇有控訴者立訊或循行巷陌訪察民情訟

棍蠹役訪獲重懲人呼為段青天時值水災廣勸助賑

重治乘災搶奪者境內帖然歷官浙江按察使新纂

趙濟川字小溪合肥人同治二年冬蘇軍援浙收復縣城


濟川奉委暫署縣篆時降眾頗桀驁駕馭無敢梗令匪


類或壞民居捕治不稍貸地方賴以安謐新纂

王彬號叔雅福建閩縣人解元同治十三年任海鹽請濬

白洋河並修澈浦永安湖堤開倡修縣志整飭書院士

民感之新纂





平湖縣

明

徐韶豐城人監生正統甲子知縣事工部尙書石璞奏韶罷軟不能任事去官景泰庚午部民保韶廉勤有爲鎮守副都御史軒輓以聞遂復任

李翥東光人監生成化間知縣事時周家涇并獨山海塘衝塌鹹水浸入民田翥奏乞將在官折贖納米銀計工修築從之以上平湖程志

梅清字本潔大足人監生成化間任管糧丞衣粗食糲一介不苟催徵餘日佐其長以廣教化大吏知其廉毅檄

按他邑疑獄多明允檄董海塘勸勞有方工速而固樂

近文士不廢吟咏九載考滿乞歸祀名宦 柳志參平 湖朱志

郝文傑字士英陽曲人舉人成化中知縣事為政勤激勸

擇三老子弟中孝弟篤行者獎勵之里閭有不軌及胥

吏翫法咸裁以律遷知高郵州

林光字緝熙東莞人成化舉人以會試乙榜授教諭光生

而清癯好學不倦師事陳獻章築室欖山往來問學者

二十年巡按朱英勸之仕光以書報之尋以母強之出

上敦教化養廉恥疏言甚懇切巡視彭紹廉其賢待以

賓師禮丙午主考福建宏治己酉又主湖廣試是年總

修浙藩憲廟實錄辛亥修嘉興府志壬子同考順天凡

三校文多得名士陞兗州府教授祀名宦 以上劉志參 平湖程志

熊卓字士 吳志作 志誤 選豐城人宏治進士知縣事剛毅明敏

權貴無敢撓之尤廉潔自守為時良吏擢御史祀名宦

郭天錫字福山登州人舉人正德末知縣事清謹有惠愛

不阿上官風力甚著遷知徐州 趙圖記參 平湖程志

周仕字用賓廬陵人嘉靖進士知縣事剛正嚴明介然有

守詞無妄受以是少訟尤重學校母終於署徒步哀號

觀者咸為墮淚後令句容陞工部主事祀名宦 劉志參 平湖朱

志

黎循典字成五華容人嘉靖甲午由舉人知縣事興學校

省刑罰均徭稅催科不擾和易近民擢御史

劉志

戴鍊字成之婺源人舉人嘉靖中任教諭有文學聲以古

道率人崇尚志節生徒貧而好學者分俸賜之捐貲以

葺學廨陞知甯州

趙圖記

蔡鳳字九苞南昌人吏員嘉靖中為縣丞任事果敢篤實

絕無矯激近名之私秩滿乞休

趙圖記參平湖程志

張煌字用韜福建南安人進士嘉靖己亥知縣事為政務

篤實不用矯激邑中刁黠禁不敢動訟者得一言輒解

去陞工部主事

平湖程志

陳朝紀號石亭南海人貢生嘉靖中由歙縣訓導遷教諭

直已守道終始一節工詩嘗有天下可人惟雪色客中

知己只梅花之句歲祿捐俸周諸生急老而致仕門人

為刻冷香畱稿以志去思

劉志參平湖程志

曾曙字暘谷全州人舉人嘉靖甲辰知縣事性介不妄取

與剔蠹除奸與民休息是歲秋大饑殍殣相望曙力請

大吏出粟賑之廣設粥廠以食飢者會催科甚急毅然

曰吾官可罷民不可毒有逋稅者咸使歸業弗之繫民

免轉徙竟以緩徵罷去泣送者數千人祀名宦

李僑字仙臺長清人嘉靖進士知縣事立法尚嚴明先是

田不均輕重失實僑始為均之民稅得舒

以上平湖程志

楊挺高字叔謙金鄉人進士嘉靖二十九年知縣事性狷

介袍履皆布素署中機杼聲達宵晝入覲時贊儀惟粗

布兩疋家人紡維物也署後有隙地種蔬自給以餘蔬

饋士大夫曰不可一日不知此味排里供費一切裁省

在任三年冰檠之聲聞於遠近祀名宦

劉志參平湖程志

喬登字子高延津人吏員任典史嘉靖癸丑倭寇至登奉

檄禦於邑東南之曹家橋所將民兵猝見敵皆望風逃

竄登奮身不顧率其子戰歿於陣祀報功及名宦

平湖程志

殷廷蘭廣東人嘉靖進士授嘉興推官署縣事倭猝至僅

隔一水時未有城令民無走當為疑兵以卻賊於是晝

則揚兵夜則列炬舟側市人聲應若十萬師賊駭遁百

姓歡呼相賀廷蘭曰是倖也不可以再亟申請築城以

守經畫措置盡得其宜祀報功祠

劉志互見府名宦

胡松字茂卿績溪人正德進士嘉興推官繼殷廷蘭後署

縣事時議築城詣幕府曰民難與慮始請縛松置軍前

民愛松必相急乃可舉事從之不閱月城成累官工部

尚書

吳志

劉存義字質夫襄陽人嘉靖進士三十三年知縣事時邑

受倭患尤劇始議城守存義至負土築埤埤成而倭至
 雉堞屹然倭不能上悉力來攻存義申號令明賞罰環
 甲援枹立矢石下倭見堅守遣酋至城下裸衣跳罵欲
 激戰手弓射之應弦而倒倭解圍去總督胡宗憲率師
 數萬屯城中土漢交雜供費億計存義盡心調護卒以
 用間殲賊沈莊倭既平亂兵慘甚於倭存義百方撫戢
 邑賴以全民為立報功祠并祀名宦

平湖程志

顧廷對字子俞泰州人嘉靖進士知縣事遇事敢為辨疑
 獄洞得其情先是較田多寡以役民民以田為仇廷對
 創條鞭均徭法總計而年徵之貲於官以貼役者力均
 而不病上官初弗之許廷對反覆陳利害十數條始得
 如請令下民若更生逾年南海龐尙鵬按浙頒其制行
 之各郡邑所在稱便擢御史祀名宦

一統志參平湖程志

法暲字雙嶼丹徒人縣自建治後百餘年未有志嘉靖癸
 亥暲任教論慨然以文獻為己責博採省志府志摭拾
 稗官家乘閱三月書成時稱詳核

吳志參平湖朱志

丁廩龍陽人嘉靖進士知縣事務簡靜恤民養士前知
 縣顧廷對立條鞭法法行浙中各郡邑他邑或稍更張
 弊復滋應賓一遵約束邑人賴之

劉志參平湖朱志

趙書字同文桐城人歲貢生嘉靖末任訓導

案劉志作勤教論誤

課士諸生餽遺卻弗受其甚貧乏者至典衣以周之嘗
作明倫十二事以訓士士有篤行誼者輒稱舉以為儀
表學道聞而褒賚之即以此所賚鑄鼎學宮為銘以見志

陞遂昌教諭劉志參平湖程志

李實字若虛瀘州人隆慶進士知縣事究心民隱搜剔吏
蠹獄訟日減諸役無所事事多散去乙亥夏海溢害稼
實周視賑恤安集數千人邑有把持稅牘積蠹其中者
洞燭之毫不敢隱僉徭煩簡各以力任民咸便之祀名

宦劉志

劉士瑗字允玉安福人萬曆進士知縣事性穎絕凡訟牒
文移一覽不忘學宮災捐俸為倡不旬日告成監司議

開金山渠士瑗慮海潮延入內地為民患以去就爭之

乃寢陞刑部主事祀名宦平湖程志參袁志

洪敷文號質所臨桂人解元萬曆己卯署教諭容貌修偉
為人寬綽大度待諸生有體慳黜縣知縣祀名宦程志

江環字晉雲漳浦人進士萬曆丁亥知縣事是年大水秋
無收越戊子己丑歲頻旱大疫殭屍載道環盡心賑恤
平糶設粥市棺瘞死者又力請上官緩本年催科至以
額虧受詘處之泰然在任不輕動官庫一錢自奉尤淡
泊即鮮食亦不恆設云

黃焰字明寰商城人萬曆進士知縣事性愷悌不事筆楚

奸蠹自戢恐差役擾民削木為隸以代追呼民便之案

無畱牘非大獄一聽自息以勞瘁卒于官以上平湖程志

王義案浙江通志作義民字若惺江陰人萬曆進士知縣事聰敏

洞察民有犯至庭一見不忘每晨視事輒言昨日某人

行某事今在某地跡之不爽得吏敬憚之徵糧僉役曲

盡規畫以竹籤註姓名糧額遞催完賦猾吏無所容奸

以憂歸袁志參平湖朱志

林維暹字用顯晉江人舉人萬曆辛丑署教諭事林本閩

中大族諸父兄多居顯要維暹清風挺節淡泊自甘簡

諸生十人旦夕論文先後登第者六人知縣王義民雅

敬之為建鳳翥軒平湖程志

蕭鳴甲字象林案浙江通志作爾先漢陽人萬曆進士知縣事廉明

不煩苛兩造盈庭片言折之各唯唯去歲戊申霖雨浹

旬旁邑預訪富室待賑中人之產無甯居鳴甲歎曰荒

未及民先瘠矣下令云賑在官毋需民也一邑安堵竟

亦有秋每造士大夫問民疾苦坦衷洞達至於事所不

可即上官無以易也政暇葺弄珠樓形家言大魁兆此

遷戶部主事平湖朱志

朱欽相字懋忠臨川人萬曆進士知縣事值編審剔釐飛

灑虛糧花分詭寄之弊設官圖立頑甲卻公費永著為
例修城之費舊設里甲吏得緣以為奸欽相請派入條
鞭凡所興除皆務便民癸丑以母憂去初欽相父邦喜
為府同知再署縣事有善政欽相繼之邑人為立世德
祠後擢吏科給事中祀名宦皆浙江通志 參平湖朱志
張蔚然字維誠一作成仁和人舉人考碑記 核正萬歷間教諭博
極羣書與士子講學不輟邑令縉紳咸就教又清學基
廣科額增置書籍勸學職題名碑案碑今 無考積缺任俸百
兩議建尊經閣著有湖巒政槩

羅尚忠字孝可青陽人萬歷進士知縣事為政清簡執法

不撓北白南糧陋規洗刷殆盡禁火葬廣置義塚又捐

俸立義田慮民舟苦於供役為置官船代之在任不滿

三載以憂去後擢戶科給事中祀名宦

張賡晉江人舉人萬歷間署教諭樸茂肫懇不事矯飾卻

修脯絕餽遺同寅貧不能給者分俸周之以憂去弔賻

悉謝不受歸橐蕭然以上平 湖程志

陳鴻烈六合人歲貢生萬歷末任督糧丞仁厚清介卻常

例不受私謁令有事檄下必力持公道好文博學温然

有儒者風平湖 朱志

陳熙昌字杲庵案浙江通 志作景庵南海人萬歷進士知縣事蒞任

六年未嘗妄撻一人士民干法輒霽顏諭之捐羨金貸贖緩寬徭賦減貼役編審最稱弊藪熙昌先清官戶實田照例優免以溢額者充役不及額而取寄莊以漁利者盡數還民役田遂溢四萬二千有奇歲歉穀貴平糶賑恤境內帖然擢吏科給事中祀名宦

魏俊麟遊人選貢生萬歷間任督糧丞清謹慈祥重道義好文學任未期冒炎督兌中暑而歿署橐蕭然邑令與鄉先生懇大吏給勘合始得以骸骨歸民號踊執紼者

千計 以上平湖程志

韓炯號宇定奉化人歲貢生天啟初任訓導冲淡自適好

與志士交諸生貧不能贄者反惠之力卻童子贄蔬食飲水陶然也陞分水教諭 平湖朱志

顧國寶字珠巖南直通州人天啟進士知縣事性剛介政主愛民而務必行其法漕規久弛國寶力裁額外加耗又酌立收兌永制軍民帖然有奸商請於鹽使者議設批驗所於縣之西門外國寶力持不可事得寢捐俸置

義田三年調嘉興秩滿擢吏科給事中 平湖程志 參袁志

趙廷桂字肩峩江山人歲貢生天啟中任訓導性樸率與士子講論循循如家人父子任數月卒及門哀之 平湖程志

程楷字公式合肥人天啟進士知縣事折獄平允催科不

迫構三式館與教諭楊儁卿講學其間得法瞪縣志稿

增修之文獻賴以有稽祀名宦

平湖張志

賴垓字宇肩德化人崇禎進士知縣事性貞介人不敢干

以私政務平易爰書讞語飾以經術善藻鑑士習文風

翕然丕變學宮災畱羨金以佐修葺擢翰林院檢討

平湖

朱志

柴世皋字式穀仁和人舉人崇禎七年任教諭博通經術

勤課士嘗率邑人修葺學宮祀名宦

伊志

陶嘉祉號盟冰武進人崇禎進士知縣事一月卒有異政

民思之爲立陶公墮淚碑

浙江通志參表志

吳春枝字元萼宜興人崇禎進士知縣事才敏而機警徵

輸有法歲饑加意賑恤全活無算

浙江通志

國朝

劉秉鈞字參字奉天正紅旗人順治八年知縣事禮士愛

民而性嚴毅江上有警潛兌囂然秉鈞率家丁彈壓之

旗軍不敢額外苛索以世職改武歷任山東登萊總兵

平湖朱志

朱之翰字鶴門上元人順治進士知縣事潔己愛民不妄

用官庫一錢故事徵糧用櫃收每勒火耗之翰首行自

封自兌法臨倉供應槩行罷免秩滿去任行李蕭然歷

官河南提學 平湖朱志 參吳志

張應麟號振仲鄞縣人舉人順治十三年署教諭性貞介不苟取與而和易近人時學宮久圯僦舍而居蕭然布蔬不問餽遺士子貧者時捐俸周之陞直隸平鄉知縣

平湖朱志

陶鑄字子固烏程人舉人康熙初任教諭為人和煦不苟嘗笑論學宗程朱以孝友訓士祀名宦 伊志

王召字徵先烏程人康熙六年署教諭以興教率化為己任重名流恤寒士待下嚴整學宮之體始肅以憂去 平湖朱志

朱志

謝師昌字維賢鎮海人歲貢生康熙二十二年任訓導為學有本勤課諸生凡貧而有志者尤加意獎勵以詩文就質者戶外之屨常滿雖修脯不具不計也秩滿得江

西布政司經歷自言作吏非所願乃告歸 受中編

呂猶龍字爾霖奉天正紅旗人監生康熙三十一年知縣事值饑饉後一意撫綏夏早步禱甚虔時出郊野勸農詢民疾苦給酒米以慰勞禁絕請託遏抑強暴兇猾不逞者相率屏迹先是徵解南糧有貼解浮面諸耗猶龍悉裁去之創橋梁緩催科葺城垣一切興革百姓盡蒙其福在任四載以憂去邑人樹坊通衢顏曰召伯所茨

案坊今無考 後為運使行經平湖父老遮道迎之累擢福建

浙江巡撫祀名宦

王國英字俊侯奉天正白旗人康熙三十九年知縣事以

撫字為主不事權科清操自矢在任五年終始如一去

官一邑如失慈母

以上吳志

董天眷字紫來奉天正黃旗人歲貢生康熙四十五年知

縣事以崇儒重道為己任集諸生學舍給膏火延純儒

與講說為政寬平不尚嚴酷遇奸宄蠹胥必盡法懲之

邑向無育嬰堂天眷始建堂六楹捐俸置田為乳哺費

活嬰無算後調錢塘

平湖

顧之翰太倉州人監生康熙五十一年任主簿讀書勵節

不取民間一錢出入坐一破肩輿自僱腳夫二名昇之

屏去儀從遇事無所忌諱人稱為顧青天

西野筆談

孫右翼字衛如鉅野人吏員乾隆二十一年任主簿潔已

自好縣有委理訟事必先理諭而後裁之以法居平鍵

戶課子讀書為詩亦灑然有致知縣劉純煒知其貧歲

分祿米為助任滿歸

平湖王志

劉純煒字仰仲諸城人進士乾隆二十五年由海甯調知

縣事聽訟勤敏凡前任累年未結案牘斷一空邑奸

猾侵漁里閭廉得其名榜治前罪大者按法流配之微

人許姓者負富家金繫獄數年撈掠無完膚純煒出諸

囹圄脫赭衣釋歸曰吾豈承富家指重苦貧民耶擢杭

州府東海防同知歷官順天府尹

平湖張志

周大樞字元本山陰人舉人乾隆二十六年任教諭為人

樸懋研窮經學自漢唐以來注疏家言皆能條舉縷析

尤邃於易諸生中有篤學好古者口之不置多所造就

居九年卒於官著有存吾春軒詩集

周昭仔字湘岸湘潭人舉人乾隆三十二年知縣事性寬

厚不嚴責扑不急催科訟簡刑清公餘讀書不輟月課

諸生恆親加甲乙與教諭周大樞最相得過從講論無

間任四年卒於官

以上平湖王志

王恆字久也遵義人舉人乾隆五十年由慶元令調平湖

潔己奉公善斷獄摘奸發伏宵小屏迹重文教增建當

湖書院屋五楹修陸清獻墓道清釐其地之被佔者丙

午夏旱開橫橋堰以通泖之王流潮汐大至民利賴之

重修縣志十二卷

伊志

易鳳庭字梧岡廣西桂林人以進士授知縣嘉慶十四年

由永康攝平湖剛明知大體敬禮紳士而不可以私干

日坐堂皇凡疑難之獄無不片言立決先是邑中無賴

子所在成羣日以鬪毆為事人患苦之密擒得其魁痛

繩以法其黨始散民以安靖莅任甫及六月令行禁止
比去時雖下至販夫走卒莫不太息有泣下者于志

邱永安字靜齋甘肅綏來縣人官乍浦巡檢司遇有訟事
必先理論而後裁之以法工詩善寫蘭竹得顧定之吳

仲圭遺意于志

李宗傳字海帆安徽桐城舉人狀貌豐腴有大度嘉慶年

前後兩署縣事廉潔自守痛懲豪強尤愛培植士子榜
眼錢福昌為邑試時所得士勉以讀書當成大器其知

人鑒類如此新纂

朱煌字勿軒直隸青縣舉人道光十七年知縣事邑故有

豪門子弟愚弄良民利其財遇事輒令與訟煌洞悉其

情聽訟必根究作俑者至是都為斂攝焉居官二載胥
吏不敢因緣為奸善弭盜賊四境肅清後官杭州知府

新纂

葉莖字青原福建閩縣人河道總督觀潮子履任數月報

最移錢塘後升任杭嘉湖分巡道省城初陷從容作書

入廨井死忠義錄有傳

毛元坤字補南江山人乾隆甲寅舉人任教諭直己守道

訓諸生務崇實黜華邑人受業者戶外屢恆滿新纂

趙泰字心蓮仁和人嘉慶癸酉舉人任訓導文章一宗理

法邑中卜葆紛何紹瑾屈欽鄰輩親受薰陶先後登甲

乙榜為人剛正不阿遇諸生有委曲事力周旋之縣署

紀綱傲居戈婺婦屋恃勢侮虐戈邀族諸生某控諸縣

幾不得直泰毅然向縣令剖之謂事關同族分所應為

且內丁家居於外如關防何居恆廉潔卒無餘資諸生

經理喪事歸櫬里門新纂

許乃裕字敬齋仁和舉人道光癸卯任教諭學中故有羅

侯義田乃裕創為月朔課士膏火寒士感焉邑中素無

賓興盛舉胡良佐良俊昆季相繼捐田九百餘畝為登

瀛局由乃裕贊成之士林至今稱道弗衰新纂

吳汝霖字時菴建德拔貢生順天鄉試舉人道光二十二年

任嚴郡教授汝霖親受業焉錫智沒家無詹石招其孫

至署中飲食教誨之善繪事尤工墨松然不輕下筆後

卒於官新纂

林樹錦順天大興人任主簿清廉自矢不妄取民間一錢

值委理公事時開誠善導之莫不情吐其實旋卒於任

邑人助資以歸其櫬新纂

項順植順天大興人任典史數十年清慎有聲嘗典朝衣

以供朝夕上官知其廉恆分俸濟之工書得鍾王筆意

新纂

周維楨字片玉江西福安人咸豐十一年任乍浦巡檢三月賊犯乍浦駐防嚴焉維楨猶招集民團力刃數賊創甚大呼殺賊而死得

旨優卹

浙江忠義錄

石門縣

宋

吳伯舉括蒼人元豐八年知崇德縣先是廟學皆廢慶歷中始議州縣立學伯舉經始為諸邑先豐約稱事聚學者擇經師教以義理文章務中有司之程四方聞令賢皆來學恐後舊繪像于邑庠今祀名宦劉志參崇德新志左惟温字正一元豐間崇德尉有捕擊盜賊功擢漣水軍錄事參軍

張公秀字仲實吳人美詞翰紹興初為崇德丞升臨海令皆有善政後就崇德家焉以上趙圖記

黃揚紹興間知崇德縣縣治自罹建炎兵火鞠爲茂草寄
治廣法院者二十餘年揚至始建縣治區處有方民不

知擾明一統志

冷世修字良器常熟人進士紹興間崇德簿知州張瑜異

其才移攝理掾郡獄屢空終知建康軍趙圖記

葛邲字楚輔江陰人進士乾道初知崇德縣以樂易處心

以儒術飾吏事治舉大綱鎮以至靜綽然有循良之稱

明一統志 案葛邲崇德人 志作葛邲字用光青陽人

黃幹字直卿閩縣人受業朱熹授迪功郎監台州酒務調

監嘉興府石門酒庫前此庫官多武夫子弟爲之既律

身不廉而吏恣爲姦官醜本薄私釀橫行故積負上司

錢以萬計幹既至以官錢自往市米于產米之地凡織

悉必躬親雖隆冬烈暑不憚也歲入需然或謂瑣瑣者

何足以煩君子幹笑曰孰非公家事耶在官申酒庫利

弊侍郎辛棄疾枉車騎見之歎曰是爲乘田委吏者也

歷知安慶州學者稱爲勉齋先生宋史本傳參 崇德新志

樓寅字仲甫東陽人寶慶中知崇德有吏能始至卽究極

源流疏剔弊蠹發爲教條俱有準繩明一統志 參柳志

黃元直字致君會稽人清祐間知崇德修學校興農課尋

訪故實平易近民庭無留訟囹圄久虛以最績聞劉志 參吳

志按明一統志及柳趙志俱作夏元直崇德靳志作黃元直劉志分夏元直黃元直為二人誤

元

鄧文原字善之綿州人大德二年崇德教授博學工文家

貧行潔學者尊事之終集賢直學士柳志參趙圖記

盧禮明一統志作盧祥字仲敬太平人至順初知崇德州值旱澇

相仍民多流離召富民勸令出粟減糴價之半以賑乃

計口更番以糴三日而盈四千民賴全活上議於府令

商賈富僧均買引鹽省民鹽鈔三萬八千餘錠興學修

社均賦恤刑民感之如父母柳志參趙圖記崇德靳志

王雍字元肅至正二十年任崇德州律已公廉臨事明敏

遷改儒學建明倫堂陞蘇州府同知崇德洪志

秦約字文仲崇明人至正間司教崇德以學行聞洪武初

應詔試慎獨箴拜禮部侍郎母老辭歸趙圖記

按石門鄜志職官表載至正時有州同知夏蔣二丞具失其名周致堯命鎮皆贈詩事蹟無考附錄于此

明

畢輝洪武中知崇德縣與縣丞齊搏同心執法有旗軍來

白京師公幹恣橫輝械繫以聞上嘉之遣行人齎勅勞

之大清一統志

涂順建昌人進士永樂中知崇德廉勤自持滿去諸所用

器封歸筦庫一物不攜

辛耀萊州人前陝西按察使謫戍宣德中起知崇德貴使
乘傳過邑求索無厭耀以禮接之不徇其求省民財視

昔倍蓰云

以上趙圖記

焦寬字仲容葉縣人進士正統中知崇德明敏善撫字教
育生徒修學舍館給之親爲離析經義多所造就六載

擢監察御史

崇德新志

郁綸字理之德州人進士景泰六年任崇德時縣署廢久
自學校壇壝祠宇悉規畫繕理大盜章正等爲患設方
略擒之民賴以安性剛直忤當道罷

崇德洪志

王輿巢縣人舉人成化初知崇德愛民教士修舉廢墜三

載召爲御史

趙圖記參劉志

彭禧字樂善崇安人國子生成化中任崇德丞縣當要衝
疲敝禧隨事區畫具有綱領惠安貧弱百姓大和六載
乞休縣人不忍其去送錢塘涕泣爲別

張超字能達安福人進士成化中知崇德自奉儉約政尙
寬厚遷刑部郎中

袁端新淦人舉人嘗主白鹿書院成化中爲崇德訓導舉
白鹿規約束生徒遷教諭

湯沐字新之江陰人進士宏治中知崇德時徽人相與殖
資縣中取民倍稱之息民不能堪沐下令捕之皆散去

省裁夫廩之費歲至萬緡增置縣市里甲以均供應禁

治喪用浮屠及觀美相誇者躬課生徒館穀獎勵之抑

強惠弱興利已害服食器用悉自家攜來六載召為監

察御史官至大理卿以上趙圖記

陳伯諒字執之福清人進士正德中知崇德嚴制豪強尤

痛繩黠胥獄訟衰少凡學校公署多其修建在任三載

境內肅然擢監察御史崇德新志

洪異字大同龍溪人舉人正德中知崇德開天長河以灌

邑之干乘鄉蕪地盡成沃壤新學校置義塚修建橋梁

皆久遠之績居五年政成擢御史時典史李崧字子潤

宜興人亦廉能稱任使異舉善政輒佐之尤篤於學校

每得閒地皆構屋取賃錢給學徒膏火至今利之濬市

河運士為文壁山桂山趙圖記參崇德新志

徐之鸞趙圖記作齊之鸞字瑞卿桐城人進士吏科給事中正德

中言事忤旨左遷崇德丞勤政愛民擢知長興官終副

都御史崇德新志

陳相字君輔洛陽人進士正德中知崇德縣為人剛果時

中貴用事其黨至邑者賂遺之相獨不為禮一切裁抑

巡按廉得其狀有不畏疆圉之稱擢御史嘉靖浙江通志參劉志

張守約字彥博華容人進士嘉靖中知縣事為政務舉大

綱不責苛細崇學校端習尙摧強撫疲豪右惕息自奉
 清約客過者出蔬飯對餉進生徒講課激勸興復傳貽
 書院樹先達諸坊表於前爲多士思齊之勸張侍御按
 刺崇歎曰張令能作此好事耶薦陞大理評事去之日圖
 書數篋士民思之

艾鼈新建人隆慶五年由舉人知縣事廉潔好修性甘澹
 翁泊接士大夫以禮譚藝懇懇不倦所食蔬魚不取民
 尤勤撫字時秋霖當道督課亟鼈曰青黃不給吾甯以
 官博民乎調知長樂陞建水知州

蔡貴易同安人進士隆慶六年知縣事居官明敏力除奸

弊過目不忘靡所遺漏歲卻羨餘申減驛費時含山盜

楊雷輩橫里中當道議發兵貴易徐以方略縛致一境
 晏然尤善迪士類拓學宮建尊經閣復包角堰蒞任五
 年終始如一擢去士民相與構四知亭立碑以識思焉
 石鐘湖口人監生萬歷元年任教諭性温厚中有涇渭以
 禮自律遇事抗論不回公租出入不染指力辭餽遺諸
 生貧者捐資以助去之日皆揮涕不忍別以上
 陳履字德基廣東人嘉靖進士初令下雋再令海陽最後
 令崇德一切務從長厚鎮躁以靜養威以寬不爲鷹擊

而政平訟理浙江通志

朱維京字可大萬安人大司空衡之子進士清介自持剛

正寡諧不附江陵謫判汝州調崇德政務寬大先是丈

量田畝屬之平湖令截弓三寸致浮舊額五千餘畝維

京悉復舊額民大感悅逾年陞工部主事士民思之入

三賢祠

劉志

孫承謨字含冲侯官人進士萬曆十二年知縣事治多惠

政往年漕糧皆由糧長收發謂之九收一發此甲值糧

長彼九甲漠然不顧逋欠欺賴糧長賠累無不破家承

謨創立各收各發例一時便之

石門 鄭志

陳允堅字貞甫長洲人進士令諸暨調崇德其興除盡中

窾會凡學校郵傳廟壇倉廩吏解犁然修舉至今賴焉

卒于官

崇德 靳志

案崇德靳志又有張廷相韓嘉善蔡廷臣汪在前方現俱知崇德縣其政績卓卓有大過人者韓以例貢通籍豈弟廉介尤繫人思未詳履任年代已附載干表

靳一派字宗源海澄人萬曆間由舉人知縣事捐助學田

纂修邑志鋤擊豪強奸民斂迹植歲大水賑飢卹患士

民懷惠遷潁州知州

袁志

陳心得湖廣永定衛舉人萬曆庚申令崇德愛民多惠政

司藥局失火奮身捍患以砲傷立斃縣人傳其為神云

石門

鄭志

余鼎字匡九仙居人萬厯間爲崇德訓導明經講學亶亶不倦著有孝經訂正行世

孫繼祖字繩武武義人萬厯間爲崇德教諭一介不苟以道義約束諸生有不率輒懲之升平山知縣

高士選字毅農長樂人舉人天啟時爲崇德令有陸符虎金象精者挾其貲橫行鄉里士選執法翦除之又禁革蠹吏私派重繩里胥之需索虐民者以不得志挂冠去

以上吳志

何獎賢廣東人明經任邑丞敬士愛民協恭盡職

鄭滂字甘澍湯陰人由進士初任山東魚臺令調浙江運

司知事甲戌署縣事洞察積弊豪強斂迹待紳士謙恭有體然不可干以私泄政九月潔己秉公如一日遷延

平推官

以上石門鄭志

林沖霄字雲客霍邱人進士崇禎時爲崇德令值編審嚴釐花分詭托諸弊賦役得均性慈祥刑不妄施累官給事中

劉國會字恆岳武陵人舉人崇禎時爲崇德令修葺學宮鼓勵士子一時人文蔚起爲政寬厚不苛於法士庶呼爲長者

以上吳志

孫肇元字若木武康人明經任教諭持守清介倡修學宮

石門
鄭志

國朝

鄧國棟字上簡大興人順治初以杭丞來署邑事時境內多盜焚劫肆起國棟下車擒其渠魁殲之略盡追糧不事鞭扑而完解如期南征大兵經臨承應合宜鄉城無擾

石門
鄭志

陳邦寄字震軒完縣人順治九年以廕生知縣事時海氛方熾匪黨嘯聚村落邦寄多設法撲滅之歲大旱齋戒步禱漕務杜絕陋規撫卹糧里以註誤去人咸惜之

韓文鋒字二水長安人進士康熙元年知石門縣潔已愛民謙恭接士邑催征往往頑戶逋賦官責見年文鋒設飛票止追欠戶在任八月去

謝元瀛字定夫饒平人進士康熙三年知縣事爲政寬平燭奸釐弊不遺餘力縣當孔道供億煩費牒請隣邑協濟民困稍蘇註誤去

以上石
門鄭志

杜森懷柔拔貢康熙八年知縣事縣向以吳越戰場棄地照課均攤徵解無着官民交困歷任者莫可誰何森至卽籲請蠲荒剏切千數百餘言上流躉之爲之題免先時里多而田錯襍乃減里均田一清積弊凡學宮書院便民倉白糧倉及永安橋漏澤園諸工作皆次第修之

于志

管鳳來蕭山人康熙十一年為石門教諭以六經訓士子

始宗實學

吳志

張作礪字石齋玉田人由郡貳守攝縣事德望素著胥役

畏服若神明豪猾屏跡不敢犯法善政具舉蒞治四月

去士民立碑頌之

于志

鄺世培字晴嵐湖廣臨武貢生康熙十三年知縣事政尚

寬和蒲鞭示辱前令杜森輯邑志未竣而歿世培捐俸

續成值積疲之餘能修舉廢墜十四年夏五月縣堂圯

時方坐廳事胥吏死傷甚眾世培出崩棖積瓦之中神

色不變人皆異之

于志

傅以履聊城歲貢康熙二十八年知縣事潔己愛民嘗步

行村落間有婦姑篝燈夜紡聞相謂曰天寒甚盍以酒

禦之婦熱酒進姑笑曰此酒可比傅公蓋以家釀清冽

比公之風操耳時貧家子女多年長不婚者論耆老以

儉率俗恆捐俸為嫁娶之資在任三載惠政甚多擢刑

部主事

于志

李灼文安人進士康熙甲寅知石門縣耿藩之變境內屢

有兵擾土寇陳彪富二等乘間橫行玉溪鎮灼故嫻武

藝偵知中秋夜羣盜會飲于某所促裝持械單騎潛行

命兵役尾後直入盜所盜方飲不知爲令也羣起搏之灼擊仆數賊兵役繼至獲匪黨數十人分首從置之法由是餘寇奔散民賴以安

倪瑄成都人乾隆元年以舉人知石門縣愷惻慈祥民爲觀感有兄弟爭產者瑄命擇一小室止設一榻置二人于中明午召至未及問兄曰罪在我弟曰我不遜罪在我瑄曰然則產究誰歸兄弟相讓愿公合族作祀產案遂結前後宰邑凡十三年政簡刑清訟庭草長有白鶴來集獄樹卓異擢刑部主事

吳迪琛號梧桐山陰人舉人乾隆十年司訓士風翕然丕變嘗曰藥無美惡入吾籠者皆堪充用在治方者得其宜耳以詩法授後進邑諸生之嫻韻語者皆其教也六十辭官寓邑之東河塍時邑令王善櫛亦以謝職僦居東寺與邑之名士日相過從爲真率會卒寓舍歸葬著有梧桐詩文鈔

王善櫛字令樾含山人乾隆十九年以舉人知石門縣孤介絕俗榜於堂曰不貪以爲寶有慾焉得剛擊強暴扶孤弱積案未結者日理數事不三月而畢境有積匪吳二章二羅三錢六設法捕之翦其黨翼訟師蠹役整治一清葺傳貽書院爲講習之所按季試士品題確當隣

邑諸生多攜硯就試者修城垣橋梁舉無累于民乙亥
春澇禱城隍廟曰邑政缺失罰當在令百姓何罪遭此
淫潦言訖涕泗橫流拜伏不能起禱畢雨卽止歲仍有
秋爲忌者所中被劾去瀕行民扳輿號泣填塞不能行
夜潛去著有禦兒集以上伊志
鮑祖幹字晉貞蕪湖貢生乾隆二十八年知縣事勵精有
爲善于折獄凡前任累年未結案悉爲判決夏旱步行
虔禱立致甘霖罷歸時士民泣送者千餘人

杜正藹東陽優貢乾隆間任訓導博通經史多所成就如
陳萬青萬全吳震起鄭稱皆出其門生平尤致力於詩
著有書畫舫榜人彙語溪偶吟秋興詩各一卷

程易揚州人乾隆四十年由鹽分司署縣事寬仁愛民不
事苛細在任六月吏民誦德不衰

朱麟徵宜興舉人乾隆四十六年知縣事甫下車卽訪拏
訟師嚴懲匪類政紀肅然捐俸創修文廟事所當爲無
不具舉

費震仁和舉人乾隆四十八年任教諭性情蕭爽樂于誨
人士類深受益焉俸滿保薦知縣所至有賢聲

俞上運徽州人乾隆五十年由鄞丞署縣事值亢旱冒暑
步禱不辭勞瘁復至諸鄉親勘災田詳請緩徵出倉穀

嘉興府志 卷四十三
平糶勸諭富民捐粟救濟饑民均沾實惠竟積勞成疾卒可謂以死勤事者矣

鄧雲龍山東拔貢乾隆五十九年署縣事性慈祥催科不事敲朴至竊匪棍徒必盡法懲治後陞南安知府

方維翰大興監生嘉慶四年知縣事潔已愛民以德化導創立崇文書院集諸生會課捐俸以資膏火歷久不懈喜吟咏尤工書翰後署嚴州同知卒于官

曹鎬江西人嘉慶九年由嘉興丞署縣事仁心爲質不事煩苛辦理水災勸殷戶賑濟活饑民無算

洪鍾傑樂平貢生嘉慶十一年知縣事居心仁恕不以察察爲能興葺學宮置立義塚凡有益于民之事次第舉行創議捐廉修城未竣旋丁內艱去

周雲杼字湘雯桐鄉人寄籍烏程官石門縣教諭兼署縣篆訓士不倦結文社於語溪學舍一時知名之士咸樂與之遊性慷慨仗義諸生有力學家貧者無不極意栽培工詩著有蘋洲小詠古今體詩採入桐溪詩述中
耿維祐新城進士嘉慶十五年知縣事寬厚慈惠不事刑朴有爭訟者力爲勸諭氣平率相解以去遇事體察周知民隱陞任去

關樹棻仁和舉人嘉慶十八年任教諭品學端邃文章行

誼不染時趨己卯修學宮與邑紳士親爲經理極勞瘁
焉卒于官以上于志

鄧廷彩四川崇慶人道光初以軍功知縣事甫下車盜賊
斂戢片言折獄吏不能欺盛夏下鄉察民隱見勤於耘
耔者給巾扇或勞豚酒會包角堰橋圯捐廉倡建民呼

爲鄧父橋

新纂

盧昆鑾江西萬載人道光間由進士知縣事以傳貽書院
舊址湫隘購地青陽門建屋宏敞聚諸生絃誦其中爲
政尙平恕不以苛細擾民民咸德之新纂

李宗謨湖南善化人道光辛巳舉人咸豐二年截取來浙

由太平縣調補石門八年到官十年四月嘉興旣陷賊

去石門九十里時出擾宗謨激厲兵勇守禦屢卻賊鋒

七月張玉良師潰外援絕賊益橫悉力攻石門三晝夜

城陷死之

浙江忠義錄

閔希濂字逸雲烏程舉人同治乙丑任石門教諭勗士砥

礪名節有進賢文字者援筆改愜出入經史所造皆知

名捐俸置文廟祭器歿後士林思之


新纂

楊純禮字卓峰順天大名附監生任石門主簿佐治勤慎

邑令俱倚重之同治五年兼玉溪洲錢算緡事上不誤

公下不病商清俸所入置書數萬卷日夕諷誦于洲錢

開生賢文社培植士林邑有善舉靡不慷慨倡捐玉成
其事以積勞卒新纂



桐鄉縣

明

牛用和蓬萊人國子生宣德五年桐鄉始分縣用和為令

經營草昧凡城郭衙署一切所為俱得其領要民皆樂

從以憂去繼用和者趙中代州人亦以太學上舍宰是

邑能因用和之緒去苛去擾民歌思之桐鄉徐志案

初選者牛姓用和名宣宗覽之曰民之見聞雜記聞令父母何以姓牛御筆改牛字為生字

田玉字德潤內江人國子生正統中知縣事勤卹民隱時

閩浙盜起軍需繁重玉寬假獎率貧富適宜民用不匱

以艱歸父老上疏乞畱服闋又上疏力請復任與民益

親內外整飭六載陞知瑞州府

柳志參桐鄉徐志

張泰字見為樂亭人國子生景泰初知桐鄉視民疾苦去兼併招商賈為邑大利又繕完公署學校壇壝土木屢興而民不病九載多成績

鄧珙順昌人國子生景泰中授桐鄉丞佐理廉能多所建立有公清勤慎之操九年任滿如一日

王哲金鄉人舉人天順中知桐鄉德器溫粹政尚寬平以外艱歸民立碑紀德

孟俊字世傑咸甯人舉人成化中知桐鄉廉明有膽略理琴剔弊敬老卹孤威惠並著尤加意學校居七年召為

監察御史歷官布政司參政

以上劉志

胡憲鄆城人國子生成化中為邑主簿性端嚴吏民不敢易之頗著勞績

袁志

孔公潤字澤文曲阜人至聖五十八世孫國子生宏治中為桐鄉丞儒雅有惠愛三年以老乞休

劉志

王吳字汝欽衡陽人進士宏治中知桐鄉除田糧詭欺之弊修舉廢墜以廉介有為稱五年召為監察御史

趙圖記

徐珪應城人吏員宏治中上封事除桐鄉丞慷慨重節義有幹局縣事多賴以辦三年陞高唐州判官歷贛州府

同知

劉志

陳詒湖廣安仁人貢生宏治間任邑丞民病疫俗尚禱祀

詒力禁之捐俸購醫藥民賴以活因有佑我鬼神藥我

陳丞之謠擢知鹿邑以疾乞休

仲志新補纂

李廷梧字仲陽莆田人進士宏治十三年知縣事有才識

遇事迎刃立解吏不能為奸修學校平賦役正祀典平

聽斷文章政事一時稱美四年召為監察御史

桐鄉徐志

張紘字文儀上海人進士正德初知桐鄉篤厚慈惠有循

吏風遷知高唐州

袁志

楊璨字仲玉江南華亭人進士正德初知桐鄉令飾吏事

以儒術不為阿曲居半載監司薦其才改知開化去桐

之日民攀轅載路後陞刑部主事

任洛字仲伊鈞州人進士正德初知桐鄉明敏公廉修舉

廢墜桐鄉志書皆其手定三年以憂去行李蕭然累官

都御史

以上袁志參桐鄉徐志

蔣琪字信國溧陽人進士正德中知桐鄉治尚寬恕然能

繩束吏卒不敢為奸王詩畫畫尤珍重於時遷工部主

事

桐鄉徐志

范來賢字昌國常熟人進士嘉靖時為桐鄉令英察果斷

決獄如流三年陞刑部主事

袁志

方克字惟力桐城人進士知桐鄉縣寬厚簡重有循良長

者風擢監察御史

劉志

金燕字尙賓號芝川潛山人進士嘉靖三十三年知桐鄉性廉介才猷過人始蒞任值倭寇圍城城幾不保燕百計禦之城以得全召補禮科給事中民感慕立生祠

分省

人物考

錢淵廣德人嘉靖時以舉人爲桐鄉教諭廉敏有學日偕諸生談論經史評隲文藝不少寬假助人以六德六行有浮薄者輒遣之廩生金某貧不能葬親淵捐俸瘞之見婦人泣于道詢知其夫負富民錢將鬻身以償淵召富民至好語勸之且云若如吾言吾當請于令以旌汝

義富民卒感動免其夫償更與之金

袁志

江萬和字一中黟縣人舉人隆慶己巳知桐鄉縣秉性耿介興學校清賦稅逋逃者悉招撫之昭雪張樽等冤獄

後陞膠州知州

桐鄉徐志

蔡時鼎字和甫漳浦人進士萬曆甲戌知縣事年甫弱冠初至不露圭角吏人欺之一日坐堂皇顧吏曰今日新官上任矣將平日所欺事一一摘發合邑驚爲神精敏剛斷事無巨細莫能隱居官約素有製裘贈者堅卻之以艱歸跣足扶柩出邑門百姓男婦皆爲流涕後擢御

史

袁志參桐鄉徐志

須之彥字君美號日華嘉定人進士萬歷丁未知桐鄉事
次年五月大水田疇盡淹之彥親循阡陌請於上官乞
疏免本年田租水落勸民播種是秋大熟賦復減十之
七民賴以全去官之日行李蕭然邑人周拱宸作萊釜
生魚賦以美之

藍應斗景陵人舉人萬歷庚戌知桐鄉為政首懲貪風勵

胥吏剔弊均徭興文敦俗卒於官以上桐鄉徐志

胡舜元江西餘干人進士萬歷間知縣事素有風骨遇事
敢為桐地倍收於田而田賦轉重於地有力者占地日

多貧民陰受加賦之累舜元為陳請憲司田地均為一

則賦平弊絕民甚德之又毀淫祠禁左道嚴保甲正婚

姻戒燬屍諸善政並見於所著理桐拙操仲志及楊園集新補纂

沈延慶遼東人崇禎壬午任教諭慷慨有志節甲申三月

聞都城失守痛哭不食而死新補纂

王士鏗號勉齋金壇人進士崇禎壬申知縣事御民以慈

待士以禮悉蠲文網而吏不敢為奸五年內召士民攀

轅不獲肖像立祠袁志

盧國柱江陵人舉人崇禎丙子知桐鄉縣三載將入覲校

官應信遇風曰公律已廉為民惠竊聞郡邑入都皆有

餽遺公不能獨無國柱曰降調不失首蓓齋以百姓難

得之財經營一官吾不爲也應退語人曰與公周旋久
今日乃見其心

嵇之楚字蒼梧德清人舉人崇禎辛未教諭桐鄉令諸生
各舉所知獨行者書講堂察諸生甘貧有守者告於邑
令發學租周之宮牆久圯廟廡堂廂射圃靡不頽廢悉
加修治釐訂禮器祀名宦

以上
吳志

黃徽允號慎庵晉江人進士知桐鄉縣崇禎十三年水傷
禾稼米驟貴民無以供庸調設法轉移至次年償補課
不虧而民不病十五年歲大旱米益騰湧道路殍殮復
煮粥賑飢陞任去入

國朝歷官兵部侍郎

國朝

張如戴號琅石閬中人舉人知縣事蒞政以寬數月間政
理刑清時

王師南伐路出桐鄉民情驚懼如戴撫馭有方秋毫無犯地
方以安立祠城隍廟左

王好仁字玉樞益州人順治間知桐鄉縣寬厚愛人值大
旱偕士民步禱晝夜不倦卽雨民賴不饑復以民困上
請得蠲正賦十之三爲治不務深刻政聲籍籍丁艱歸
民歌思之歷官淮安府同知

黃輅儁大同人以貢生考授通判降授縣丞康熙三年任
桐鄉丞潔操飲冰奉公夙夜修城堞築官塘民賴以安
督造戰艦於海濱畱滯經年典衣鬻器以資糧糗居官
十載處膏不脂而推己與人齋廚屢空晏如也後卒於
官貧乏不能歸里

徐秉元字子一遼東人蔭生康熙十三年知桐鄉縣自十
年來無久任之官諸務冗積秉元以次處決安靜不擾
凡陋規征收火耗槩行杜絕清苦自甘刁訟之風亦以
感息康熙己未左遷去民追送者數千人泣別徒步百

里立祠東街

以上桐鄉徐志

何金蘭字相如丹徒人進士康熙二十年以中書改知桐
鄉縣禁無藝之征絕苞苴之入寬猛得中常講鄉約以
誘良除倉蠹以遏暴一時政教肅然至於修理學宮重
建雲龍閣開濬城河重啟西水門建羈所以便囚民建
普同以收遺骨百廢俱興蒞任五年入爲戶部給事中
桐民追慕之祀名宦祠

郭金湯字鞏庵漢軍鑲黃旗人康熙壬申知桐鄉縣潔己
愛民不妄用官庫一錢割己俸葺城垣士民安枕重刊
黃石公素書序以梓行

劉鎰字屏山江津人進士康熙庚辰知桐鄉縣歲祲發粟

賑饑建尙義書塾以整飭士習時黃泥洞盜某糾聚無賴白晝殺人鎗廉訪得實率健卒易服微行直入巢穴擒其頭目餘黨悉捕滅之民感其德肖像立祠祀名宦陳大慶字頤伯黃岡人進士康熙六十一年知桐鄉縣才敏機警徵輸有法不敲扑而輸將恐後勞心撫字始終如一

蔡可遠字致甫漳浦人雍正戊申知桐鄉縣外和內嚴折獄平允編審一事最稱弊藪可遠改舊編圖里爲順莊一清飛灑詭寄之弊重建明倫堂名宦祠以勞瘁卒於官

余必夔思南人副榜乾隆己未知桐鄉縣居官儉約愛民息訟著日省錄公事畢輒與諸生講學論文民生子不能哺乳者捐俸勸建育嬰堂至今賴之罷官歸行李蕭然

舒瞻字雲亭滿洲鑲黃旗人進壬乾隆乙丑知桐鄉縣治尙簡靜以文學飾吏治嘗曰鷹鷂不如鸞鳳民安之工吟咏與四方名士唱和無虛日每季考鄰邑與試者數百人拔其尤者獎激之刊桐溪課士錄調知海鹽署平湖著有蘭藻堂詩集栖桐小草柘湖詩存

趙選安化人舉人乾隆丁卯知桐鄉縣判事明決贖無畱

滯廉得市井間斗斛大小不一秤輕重不齊易起爭端
親臨查驗禁其奸偽民感其德

李輔德夏邑人舉人乾隆庚午知桐鄉縣聽訟勤敏凡累
年未結案牘斷一空民無羈訟每考試勤於論文口
講指畫終日不倦以勞疾卒於官

謝光鐘字震嶠監利人進士乾隆丙子知桐鄉縣聽訟明
決雖事當叢集經理裕如簿書錢穀諸務必親裁決不
假手他人丁丑冬卒於官士民咸哭之

李永泰字東侯繁峙人拔貢生乾隆丙子為桐鄉丞性剛
介甘淡泊蒞任止一僕隨遇事精敏矯矯不阿尋陞四

川知縣

朱世錫江夏人監生乾隆庚辰任典史廉潔自矢安于淡
泊凡有委審案件經其開導勸息者無不感泣論民以
孝悌力田暇則與士人分韻賦詩工書人珍藏之

耿昭字扶瞻絳州人供事乾隆壬辰任典史隣邑嘉匪兇
有巨窩某盤踞一方擾害閭閻昭獲其魁盜遂息落職
去士庶徵詩送行勒石頌德

以上伊志

程希濂號愔人舉人任教諭持躬誠恪優卹士子有以貧
苦告輒與質助之積俸餘獨建泮橋而奉己淡泊冬無
綿夏無葛布被繩牀晏如也卒于官

于志

呂爾禧字滌圃江蘇武進舉人乾隆間知邑事才幹英敏嚴緝奸宄邑文廟久不治首倡捐俸修葺之以勞瘁卒於官先是民戴其德為立長生祿位至是有哭於庭者

新纂

李廷輝字立山安徽合肥舉人乾隆間來知縣事多惠政尤善培植士類政暇即延見諸生助以砥行讀書嘗以邑志失修已久延邑人士拾遺補闕手訂成書一邑文

獻賴以不墜新纂

宋咸熙字小茗仁和舉人來任教諭少讀等身書邃於學少詹事錢大昕侍郎王昶皆極賞之早登乙科屢試春

闈不第乃就教職蒞桐後提唱風雅引掖後進日以徵

文考獻為事哀集桐邑先哲遺詩自宋元以迄 本朝

名曰桐溪詩述復各敘小傳紀其梗概俾後來修志者

藉資考證又自著有思茗齋詩文集耐冷談詩話惜陰

日記皆極博雅精核新纂

許繼柏字寶巖無錫人道光初官桐鄉丞三年大水縣令

王鼎銘病不任事凡勘災勸分彈壓飢民等務悉以委

之事賴以濟尋保知縣丁內艱歸服闋授蕭山縣丞委

辦海塘工竣攝淳安縣篆三十年推升直隸新樂縣知

縣以年老乞休咸豐十年四月無錫戒嚴家人請遠避

繼柏曰人患不得死所耳我年已九十當以一死報國及賊至促子孫去畱一赤足婢侍左右十二日賊突入其門繼柏踞坐大罵遂遇害繼柏為人仁恕里黨有緩急無不應者與人言必依忠孝居官耿介歸田後足跡不入城市

江蘇昭忠錄

李春蘇字煦齋貴州貴筑縣舉人以知州揀發來浙歷宰劇縣並著政聲同治丙寅權遂安縣事適齋匪煽亂剋期襲衢嚴二郡春蘇單騎至各邨諭以大義縛魁散黨不折一矢而亂定壬申冬來權邑事甫下車三日即親祭張履祥墓捐廉五百金建祠墓旁祀楊園先代因語

邑人士以自幼讀楊園書即慕其為人今官先生故里以得自效悃忱為幸在任甫十閱月而政績釐然可舉邑中捕務久弛特捐厯任所取青鎮船稅錢以養捕役一時宵小斂迹鄉約久廢因選諸生使各充城鎮講生朔望宣講聖諭並捐廉給以月俸後遂沿為故事聽斷虛心不執已見邑民有訟士人盜葬祖墓者已斷歸士人矣復親至其地履勘得實遂翻前斷人心愈加敬服癸酉夏大旱步禱於神竟不雨因思遇災省刑載在令甲遂盡釋獄中株連被繫者並察知奸胥有禁錮案中女子三年不得歸者立出之是夕即大雨如注田野

霑足去桐後復權昌化縣事積勞成疾卒於官身後蕭然以遠道不能歸葬遂窆於西湖山麓新纂

嘉興府志卷四十四

嘉興府知府善化許瑤光重輯

選舉

漢晉以薦辟舉嚴陸朱顧黻黻史冊唐設明經進士博學鴻詞各科而內相勳名照耀千古自茲以降代挺英賢

國朝鴻博禾中與選己未四人丙辰二人盛矣伊志立表科目瞭然于志廢之誤矣茲仍伊例但將特科特試褒然舉首隆曠典也例貢例監擇載於後出才路博也志選舉

嘉興府志 卷四十四
宋葉隆禮嘉興府學進士題名序

進士題名何始乎始於唐之鴈塔而後碑禮闈以紀同年
碑郡縣學以紀同鄉彬彬惟本朝爲盛嘉禾行都扶風郡
獨欲乎以闕事告郡博士吳君春管君寅午相與謀曰國
家自開基以來列聖以道統授受諸大儒金聲玉振至乾
道淳熙而大備乾淳天子實毓聖是邦千古英靈剛大之
氣天發地育典章文物之懿溥華夏而施蠻貊是邦有關
事可乎迺屬前庶士纂輯書載稽誦散逸臚列而刻之石
首歲年次氏名次邑里粲然秩然可挹典刑而追步武也
渡江之前與宗胄之貫玉牒者或未詳則存位置以俟續
補吁是舉也昭先登厲後來斯文非小補矣前進士葉隆
禮諡諸友作而言曰祖宗以儒立國以科舉得儒吾鄉舉
不乏人冠制科者冠廷對者冠禮部試者奕奕相望繇是
爲宰執大臣爲侍從顯官無慮數十固有清風峻節一奮
不顧攻新法如仇甘貧賤如飴蘇玉局公嘗憒憒閔惜之
然遞芳流沃千載下凜有生氣蓋未可窮達計也其他才
品之高下學識之醇駁事業之偉劣權衡而取則之方寸
中有靈龜在毋徒曰工程文以拾青紫云乃作題名序咸
淳改元九月吉日書

宋免解陞甲記

皇帝嗣登大寶之三載命臣肖孫出守嘉禾懼亡以稱上
旨郡文學盧恢間有請曰郡爲阜陵震夙之邦士生是地
沐浴皇澤與河南南陽等寵甚腴也願勒珉以敷景鑠恭
惟孝宗皇帝衍豐水泳羣材翹薪刈楚公卿皆此途選秀
是邦者出而柄招搖躔紫微履文石氏名彪炳於乾淳盛
時視他郡爲篔有開厥兆或者王氣扶輿所暨爾理考篤
昭祖烈嘉淑輔藩溥惠賚而洽多士爲腆請及紀者免如
監再則不以年第進士超一級雖奏名亦與陞等湛恩汪
濊士何幸歟鍾鼎簪珂憲憲相望用敷遺於後人者無疆
惟休然以阜陵惠士之志待穆陵而始廣則廣穆陵之志
蓋又於今日有所待於皇聖治柄用元勳作成爾多士者
尤至風化醞粹恩紀沕涵英實日蕃以碩非獨禾郡之幸
亦阜陵之所深望也抑士之自待者蓋亦不負所學思以
仰答累朝天涵地育之造此則教養之初意若但曰希恩
寵徼利達則非所敢知謹拜手稽首而記其實予以對揚
王休云咸淳三年六月望日朝散郎權發遣嘉興軍府兼
管內勸農事節制澈浦金山水軍陳肖孫記

明王直嘉興府儒學鄉貢題名記

科舉之設隋唐以來皆重之未之有改也士之賢者必由
是以進於用而天下之治成矣蓋聖人之道載諸經前世

之事備諸史爲士者必窮經以明道讀史以究事道旣明而身不由者鮮矣事旣習而行不達者亦鮮矣故科舉取士必本之經史觀其言之不謬可以知其人於是舉而用之則必能有所立其行之失者蓋有矣未必勝於得者之多也國家設科取士二十舉矣名卿大夫與百執事之賢者多出於此其長養成就本於列朝之仁而太平之治實君明臣良所致也孰謂科舉不足以得士哉嘉興浙之大郡其人秀而文其先以科目顯者蓋多矣繇洪武來相繼而奮者比比也而皆自學校成之其師之善教弟子之善學其賢於人可知矣今年郡庠訓導番易戴尋來京師過予告曰郡庠諸生幸多名薦書今欲刻諸石以示久遠且表其已能以款動其未能者敢請記於先生子謂朝廷建學立師以養士以治天下之本付之其任重矣然善於其職者蓋無幾戴君今與同列旣能成其人矣而又思以勸來者不謂之賢師可乎雖然士之由科舉奮者不在其名之刻與否也蓋其行無愧則名之存固善矣不然人將指而議之曰科舉乃得人如是耶則名之存乃所以爲累也而有志之君子因其名之存益思充其實以求無愧於科舉後之人又因是而勸沮焉則紀載之石亦砥名立行之具也是不可少也乃爲之記蓋自甲子至今中者已若干

人其繼而奮者將益多則次第錄於後云宣德十年乙卯

冬十月吉

案此碑題名自洪武甲子科起至成化丙午科止專指府學鄉貢而言也

明沈伯咸嘉興府儒學進士題名記 碑存

維明王嗣服歷九葉屢制登俊登弗進士科弗重懼弗進夫道也或曰勢之趨也乎勢之趨考之隋唐斐乎遐矣嗚呼勢之趨治之懸道之進者機之至故治之懸夫俊棟也棟橈則大厦微俊之必進夫道鼎食也鼎有食无不利利則吉微則凶吉凶之道存乎標是故長人材者務標其往以激之也嘉為浙西大郡浙士之進甲天下而嘉彪如

也則烏賴於激之者嗚呼孔道如砥而蹊介之君子有大與之憂憂曰奚弗砥也邇江東司馬大夫魯瞻氏以前御史守嘉之明年政純民宜颯颯乎絃誦大興也且曰先民弗章曷以樹標乃核進士自洪武及嘉靖者碑焉碑弗文猶弗標也迺命儒學官陳堪維黍奉幣謬及伯咸而伯咸非其人矣無已碑若曰嗚呼士以進名者進夫道也進夫聖人也聖心學也凡外心而學者皆非也吾懼夫今之士者操觚煥文詞學進君子曰蜘蛛之務不如蠶之綸其失則虛褒金炫肥利學進君子曰負且乘致寇至其失則誣探奇入幻禪學進君子曰行偽而堅言偽而辨其失則叛

故日出之幽谷登乎茂木慎乎趨也彼豪傑者云何進夫
聖人而已矣是故其存鮮然定者志也其邇儼然欽者宗
也其學淵然深者古也故阜聖之基也以志端聖之模也
以宗浚聖之資也以古志確故崇宗楷故化古畜故宏三
者會而機神機神則道進而何滌於弁輅金玉之華重也
聖人曰吾欲仁斯仁至矣言機至也而我或堯焉或舜焉
而或臯焉夔焉箕奴比諫時措之也否則卷而懷焉正身
範俗弗進猶夫進也苟徒恃乎王公之貴曰我進矣可以
生殺人侈然自畫夫是之謂倚物爲進一於進則由由也
反是而拂逆焉則戚矣進也猶夫弗進也嗚呼茲標夫嘉
之往進者二三子立其下議之曰某虛若進某誣若進某
叛若進某折鼎爲小人某隆棟爲聖人賢人而弗畫於官
人也故日出之幽谷登之茂木慎乎趨也嗚呼彼豪傑者
尙有激哉嘉靖甲午二月吉旦

明戴經嘉興府鄉貢進士題名記

碑存

我郡守金陵西虹司馬公自內臺出守懷慶懷慶事簡不
盡公之才臺論當任壯郡上聞特轉嘉興嘉興繁劇公下
車甫數月剔弊舉墜百務聿清庭無留訟案無疑牘不啻
庖丁解牛恢恢有餘刃矣首崇學校考覈德藝士類淬厲
縫掖率化朔望視學每事諮詢爰謂嘉興浙右巨邦也人

才迭興科目倍於他郡當官服職聲華著稱登名試錄歷若干科雖家藏戶閱而散漫莫稽嘗按進士之有題名記也實出朝廷崇重人材之意將以垂示天下所以昭往而勸來天下則而倣之凡一郡一邑亦有科貢題名良以奉行德意激勸後學則併其各科之錄萃爲一石之碑前登後續使橫經講業之士朝而觀焉以動其心暮而覽焉以作其志將曰彼何人也而立名不朽予何人也而有爲亦若是是則育賢之藥石而士子立身之弦韋不亦有益於人家國天下也乎嘉靖歲甲午春二日碑成公命經爲鄉貢進士題名記經曷敢承然而不可辭也竊聞公凡爲碑者三一日進士二日鄉貢三日歲貢夫進士者會試於禮部拔天下貢士之尤鄉貢者郡試於藩臬拔一方士子之尤而歲貢者則古人舍法之立循次升進若非二途之敵也然五色之迷一第之濶容有不盡收者豈可自以遺才而甘立下風也哉今聖天子用賢三途並進其待天下以公而不輕天下以蹟卽古人立賢無方之遺意也公於此均視而同勸其無棄人絕物之私可謂不以一己之長廢人之短公名進士也於此可以知量矣又合郡學與七邑科貢之士羣萃於一堂之上舉前人之未行示後人之未發不以上下內外異其心不以高下低昂貳其德公之待

人以厚也如此夫待諸人者其厚如此而人之所以自待者奚容薄乎夫貢士之視進士已落第二義而歲貢之視鄉貢又非其倫是一時遭遇之機遂爲終身等第之路不可以躋攀同日而語矣然立身之道初無品類巖穴之老可爲將相之英掾吏之流亦建公卿之業且若我朝黃忠宣之文章事業魏文敏之學問履歷是亦貢士耳邈而上之若韓昌黎爲一代山斗吳草廬爲一時儒宗是亦貢士耳要在於人之自奮而已矣勿謂歲貢不如鄉貢也亦勿謂鄉貢不如進士也顧人之所以自待何如耳甯知公碑題名之意不有在於斯乎夫碑以題其名記以紀其事固爲世道計也知而不以告後人安在其爲文哉特筆著之於篇庶幾後人鑒之以勗夫後人也一時賢郡佐若河上高公貳守姑蘇晉公通守維揚張公推守皆能輔相盛美以成泮林之化郡貳教碧亭宋君綱實能承公意以督文事皆不可不書是爲記

明吳鵬嘉興府儒學歲貢題名記

士以年貢制也曷爲題其名侈後觀昭士鑒也洪惟我明受天景命混一海宇誕敷文教以隆邽治建學設科登庸俊髦士類勃焉以興恐取士之途勿廣也迺令諸府州縣學各歲貢生員如制優廩餼積時月養之之久試可焉而

後用之列聖相承以迄於今布恩命則有開貢之例振淹
滯則有限年之例懲濫縱則有超選之例皆責成於督學
憲臣焉比其進與科目者並用所以作新人材崇治化者
至矣我嘉興郡邑自建學以來百六十年餘士由科目進
者得人爲盛至歲貢所取雖遇有顯晦職有崇下亦有卓
然樹立其德業於科目士有光焉者然載籍頗闕卒欲指
數其姓氏有不可得而况其詳乎舊各學爲題名榜揭之
明倫堂楣卽有榜制亦隘甚要不足以侈觀昭鑒也惟時
郡侯司馬公至甫閱月敷政宣教修文考學百廢俱舉迺
惟題名缺馬是慮於是旣刻科目者碑爰命教授聶君義
等稽故牘攷姓氏始洪武初年至正德十六年止合各學
凡得貢士計六百三十人著履歷備錄刻諸石以昭永久
而命鵬爲記夫名者實之符也君子爲善無盡名尤疾乎
無名者是故君子服其服則文以君子之容有其容則文
以君子之辭遂其辭則實以君子之德是故君子恥服其
服而無其容恥有其容而無其辭恥有其辭而無其德恥
有其德而無其行是故蚤夜圖之培其根將食其實浚其
源而導其所趨德業樹立無忝前聞則由名以激之謂名
爲治世修身之具亦自不可得而誣也吾黨士嗣是以後
始服官事矣鑒觀前後以圖勿負於國家俾斯人指而稱

之曰某德某業是弗落科目者後顧弗盛乎不然漸滅無聞與草木同腐將以爲恥又奚貴於名之題也哉此郡侯所望余因著之斯舉也文獻於是乎徵風化於是乎本侯蓋知先務矣侯名泰字魯瞻先爲侍御史侃侃有直聲籍在嘉靖癸未進士錄可攷云甲午春三月吉旦

明沈謐嘉興府儒學歲貢續題名記

嘉靖癸巳冬南臺司馬公來守嘉也去奸除蠹政乂民安盡心矣慨然興思曰可乎非所重也欲先其重其敦士風乎士風敦政庶幾焉爾上宜知所倡也下宜知所應也倡而弗應難乎上矣欲應而弗倡難乎下矣明年甲午迺進

分教宋子命之宋子北來謀諸謐曰方今聖明御極勵精

圖治新制創法豈無堯舜之心哉奉宣德意其惟良守乎是役也知所重矣吾聞公之初議也進士有碑矣鄉貢歲貢有碑矣全矣奚庸再舉况謐不敏奚以文爲請辭宋子固申其義不可辭也嘗攷諸貢制厥惟舊哉自洪武以來未之改也超貢例起嘉靖行至於今英才漸得是上之所重也乎起洪武而碑樹之學宮碑隘數多釐嘉靖而續碑之意者超貢始於嘉靖而碑自嘉靖始也非有深長思者能如是乎上重之守重之倡矣士不自重奚以應之士之自重莫若辨志辨志莫若知學學聖學也民生而不可缺

焉者若後儒雕章繪句專事沽名是欺人也而非自重之學也矜智炫能委曲徇利是欺已也而非自重之學也志聖賢者當知所趨矣將曰上重乎我非與名也爲國也守重乎我亦非與利也爲君也我不自重則我心未盡我力未竭無乃不可乎故事君思忠忠有弗至弗措也事父思孝孝有弗至弗措也事兄思弟弟有弗至弗措也交友思信信有弗至弗措也惟茲四者命於天根於性堯舜之聖亦率是而已外此入利出名出利人名上者粉飾回護矣掩其不善而著其善下之則無所忌憚無所不至也聖學從茲晦矣名是碑者從違盡慎之哉後之按碑而稱者曰

某某爲聖人某某爲賢人自重在一時令名在天下萬世風斯遠矣倡者記者亦與有光焉國家無窮之福也不然石之災也倡與記者之意荒矣國家焉賴宋子曰綱也聞其詳矣請以告諸西虹公公曰是固泰之意也可以記矣明吳寬嘉興縣儒學科目題名記

今之應進士貢者皆郡邑之秀學校之良始而憲臣校其文貢於省試之謂之鄉試其法嚴甚皆視其地人材之多寡而定之解額已乃貢於禮部試之謂之會試其法如前有司得其人畧具名數請於上裁已乃貢於廷試之選舉至此則不復去留而皆得預進士之賜然又爲之差等焉

其精審如此凡前二試既書其名榜中猶以不能垂於久也復立石太學傳之其慎重又如此然彼士之題名於石者固本郡邑而升學校而出者也於是守令有倣其制而爲之者以鄉邦之盛事而他日文獻之可徵者在此也今天下布政司十有三而浙江其首曰嘉興爲屬郡郡有屬邑亦曰嘉興邑令太原陳君璧嘗委其學之師生取國初以來凡貢士於省於部於廷者悉刻之石使來請余爲記蓋題名之舉其初亦惟欲不沒其人而已孰知人有賢否則視其名者必有美刺既有美刺則反於身者可無勸沮所係有甚大者嘉興浙西之大邑也自李唐時有大賢君子生於其鄉遂啟後代斯文之盛然往者吾不可知今之仕者莫不出科第見其事之慎重不反而爲吾身之慎重乎且夫古之仕者必考其德行而賓興之後世此法已廢然君子將因其廢而遂廢其所以修身乎出者吾不可知今之游學者將皆由科第而出見其事之慎重不反而爲吾身之慎重乎若然則斯石也豈徒不沒其人而已信乎所係有甚大者陳君以名進士來爲茲邑明名廉敏克舉其職可謂能慎重其身有光於科第矣其又爲此舉豈將視此以自勸沮而益資其宦學也乎

明柯潛秀水縣儒學題名記

秀水舊爲嘉興縣之西境宣德初始分爲縣設學建官以
教士士因教而興者駸駸乎有闕正統間呂先生原以雄
才奧學魁鄉試又得雋南宮進奉廷對擢爲進士第二拜
翰林編修累官至學士遇知先皇參預機務恩寵日隆秀
之人材於是爲兩浙最矣天順間教諭方繹暨其僚佐設
教勤而明於士多所造就歲庚辰金陵莊澈由進士來令
是邑提督考課之暇又相與圖所以勸勵之冀復有若呂
先生者出焉乃命工伐石刻其舉鄉試及登進士者名氏
置於堂廡俾朝夕觀焉且垂示於永遠也壬午訓導林憲
以京尹聘爲文衡旣撤棘過予言曰秀學題名之石未有

記願記之於時未暇屬筆邇者繹走書復申前請弗獲辭
仰惟聖朝設科目以取天下豪俊而得與廷對者題名於
太學及其有大勳伐有大聞望者又勒名於鍾鼎是欲傳
聞於人使有所感焉而興起也然遠而有聞不若近而瞻
視之爲勸也此天下之學校所以必有題名而諸君於此
復有舉焉嗚呼高山仰止景行行止秀之士將颯颯興起
於方來哉姑記之以俟
宋海鹽縣進士題名記

吾邑雖介處海壩士雅知力學宋興纔二十載固已肇立
學舍講貫薰染非一日矣時未有以決科聞者當慶厯中

天下承詔畢立學校士咸觀感奮發以不預俊造之選爲
恥而獨吾邑建學已素肄業有所士益自勵推移二紀椎
輪於郭公瑑擢名第者相接也郭氏有子躡世科躋位通
顯造兩地爲中興樞機臣厥後吾邑之士觀感速効蟬聯
桂籍者不可枚舉蓋郭氏父子昆仲亦鄉校友黨豈氣類
脉絡然歟有倡之者蓋必有繼之者鄉里實榮之常取以
詔告其子弟今維揚李侯直養以佐邑最卽選爲令政通
人和思所以爲化道之先亦旣修治學宮有廢輒舉一日
顧謂諸生曰邑之先達以儒科進者幾何人第而知之亦
足爲士之勸諸生受教曰宜擇所屬乃以屬濬孫辭不獲
輒采摭詢考由郭公而下得三十有九人焉其有不知者
蓋闕如也後乎此者繼自今不絕書之嗟夫三代盛時興
賢者能者獻其書於王實助乎鄉大夫然則風勵而陶成
之則大夫任其事固宜若李侯加惠於吾邑之士無窮已
則士之揭名於此者得特書屢書不一書亦無窮而後可
也紹熙三年二月朔從政郎新監行在右藏西庫常濬孫
記

明海鹽縣儒學鄉試題名記

學校以得人材爲本人材治天下之具也必養於學而後
舉於鄉貢於禮部試於廷皆登名有錄以紀出身之次第

釋菜先師又刻石於碑以貽榮於永久然則鄉學題名非謹其出身之始乎謹其始則重所往以達諸用也大矣海鹽爲嘉興屬邑距郡遠而密邇於海學舍滋久將入於弊成化改元山西楊公繼宗自秋官知府事廉明簡亮政教修舉兩至邑學慨其游居弗稱乃奉巡按監察御史劉珂分守參政甯良僉事周正方命有司庀材興工不踰年而廟堂齋舍煥然一新復謂方今設科自洪武甲子抵今成化辛卯二十有七科矣而海鹽之士懷牒起者前輝後耀號不乏人然不鑱諸石登載其名氏何示勸於方來於是命邑令楊君克敬具書幣託教諭陳良率諸生夏勗沈慶萬釗來請記予謂成周論造於鄉務選賢以臻至治蓋有賓興之禮焉士由賓興而起亦豈以是媒利祿哉蓋有德行道藝明諸心措諸行以與斯世斯民同底至善之歸其後科目雖始於隋盛於唐而極於今然皆不失賓興之遺意士可不以賢自重乎唐稱得賢必曰陸宣公宣公郡人也歸然一代人物固未易跂及然近景泰間有劉泰爲監察御史遇大臣巡撫有弗戢者抗疏斥之風裁凜凜可嘉而竟以疾卒天順間有張甯爲禮科都給事中敷奏封駁允合時議英宗方屬意大用弗果遂爲權奸沮抑僅守汀以病免予昔與之同朝喜其有聲於臺諫無忝於科目使

嘉興府志 卷四十四
皆昌於其時則業必大有可觀矣豈止於是耶雖然顯於前者有限而擬諸後者無窮後此而進當思賢者與齊而
以不賢者爲戒皇皇忠義之是求無負上之所任使學之
所當盡雖勒鼎彝銘旂常而昭汗簡亦自茲始奚啻鄉學
題名之足榮哉罔俾宣公專美有唐敬以是爲勸成化八
年某月日賜進士出身翰林侍讀學士奉訓大夫鶴城錢
溥撰

明戴鍊平湖科第貢例題名碑

後平湖科第貢例題名昉於是乎曰否前此矣舊用木楔
閱久而敝易以石始於是也曰石久不有泐乎曰噫名之
在人傳必以愛愛必以美顧傳有永有勿永愛有公有勿
公斯名與美而實勿美矣世有不求盡其心不責備諸已
上無嘉於國家下無裨於黎民祿位日崇聲譽日播君子
勿由焉君子恥之也士必以忠信主之以篤敬達之實勝
而善明是可悅親也是可信友也是可獲上治民也然君
子勿專美也愛勿愛傳勿傳有勿恤也非勿專也勿期也
善亦勿終釋也夫積厚而修慎亮物而濟務經國而格難
舉大而施溥苟志以時達立朝正色敷訓修德若道與世
忤策遜遂退黨禁勿錄如吾考亭朱夫子者可也黃勉齋
曰百年論定後必有知之者人泯天勝奚待百年顧紹興

登第之錄獨至今猶存焉是可爲愛而公且永矣茲邦紀姓名於石者昔故多賢繼自今駸駸未艾甯無雋偉拔出非常之業曷以外爲恃也哉敢敬以是爲囑

明吳昂桐鄉縣學科目題名記

知桐鄉縣事鈞陽任侯洛以廉明集百事獨懼人材之出不能爲他縣先乃考縣先達之士其由於科目者石刻之章示學宮則庶幾興起者眾而嗣者不絕其所刻由楊公青而下凡八人繇其縣宣德五年始分崇德縣而有前不出其學者不刻故其人滋少予同年友譚君鎧居其一乃來屬予記予以爲三代以後之法循習卑近無踰於科目

然士得以名置其中者又甚難居此何哉蓋科名勦於隋唐雖其法卑近矣若夫我朝所定經義論策其義理易書詩禮記春秋學庸論孟其議論濂洛關閩諸大儒書其故實遷固而下諸史其時務凡君臣民物皆爲國家天下之至噫斯豈可類於三代以後之法視之哉故其爲業務在尙志專心博學多識使其聞見周材藝備則其文章皆根柢五經四書出於諸大儒酌於古通於今而後可以置名科目中而桐鄉自有縣以迄於今垂八十有五年纔得八人宜矣雖然迹夫八人觀之則考其文章於譚君以前雖多不存然其人或陟憲臣或躋郡守蓋惟其聞見周材藝

備見於行事以及此則視文章又加難矣則其始豈亦謂
 科目不易得哉吾意其如拾地芥耳審如是其孰非今之
 師歟然予嘗困於場屋久而幸一得焉因思難圖易惟欲
 不愧於先達自我朝上至於隋唐凡擢科目又產邑里者
 如陸宣公則予每讀其書論其行事求知其人固又不待
 於刻石以章示之焉者故願桐鄉之士相與勉焉于以師
 今之所刻矣又及於所不刻友一邑之善士矣又馴至於
 古人與夫所為功業者加之意焉則人材之盛其亦將十
 倍於今日而豈非所以慰夫任侯者耶遂書之為記

薦辟

漢

嚴助 舉賢良擢中大夫
 朱買臣 嚴助薦為中大夫由

張武 第五倫舉孝廉由
 施延 徵拜侍中海鹽人

陸康 舉孝廉茂才徵拜
 陸績 康子辟奏曹掾鬱林

三吳

陸遜 康從孫丞相
 陸抗 遜子大司馬

陸凱 遜族子丞相封嘉
 陸允 凱弟中書丞

陸禕 凱子大將軍
 陸瑁 遜弟尚書

晉

陸喜 瑁子散騎常侍
 陸機 抗子大都督

陸雲 機弟右司馬

陸玩 暉弟司空

顧榮 散騎常侍封嘉興伯嘉興人

陸納 抗族子尚書散騎常侍海鹽人

陳

顧野王 黃門侍郎海鹽人

陸越 黃門侍郎海鹽人

唐

陸元朗 明經辟為文學館學士封吳縣男嘉興人

陸敦信 元朗子左相封嘉興縣子

褚無量 舉明經左散騎常侍海鹽人

案元朗父子二唐書均吳郡吳人舊府志皆入選舉有傳考復置嘉興縣在貞觀八年今仍之

何志入選舉今從陸願

神道碑

進士

陸齊望 敦信子祕書少監以下嘉興

陸灞 吏部郎中

陸侃 溧陽尉

顧況 著作郎海鹽人

徐岱 修撰以下嘉興

陸贄 又舉博學宏詞科書判拔萃科翰林

學士同中書門下平章事

殷堯藩 監察御史

陸元感 黃州司馬以下海鹽人

顧非熊 盱眙尉

光啟 邱 為 太子右庶子 以下 陸 辰 贊族孫尚書左丞封嘉興縣男

五進士

後梁 高 彥 費州刺史海鹽人 以下 朱行先 尚書右僕射

宋制科

進士

特奏名 附右榜進士童科

端拱二年 謝 炎 主簿嘉興人 以 聞人 偲 兼經

大中祥符五年 聞人 侃 聞人 湜 三請

天禧三年 聞人 建 工部尚書 朱季質

天聖二年 呂 諤 呂元亮 二人並以布衣被召

景祐元年 呂 詢 諤弟給事 章 悅

慶曆六年 聞人 安道 淮南康軍 朱伯龍

陳舜俞 屯田員外郎 詹 奕

韓 洞 朱彥直

沈中復 衛 仲達

王 照 衛 稹

錢長卿 陳 聖任

胡 閻 鄭 雍 第二人

呂 全 貫開封 吳正邦

嘉祐二年 丁酉 朱端禮

嘉祐四年 己亥 陳 舜俞 舉材識茂異賢良方正能直言

極諫科 陳 世德

嘉祐六年 辛丑

朱伯虎 鞏從子貫開封江東 朱澥

運判累贈太子少師 朱宗卿

周郊 葉簡

婁億 同學究出 王鼎

簿 姚端方

葉仲 錢九韶

嘉祐八年 癸卯

戴顯甫 葉頌

朱鞏 朱振

治平二年 乙巳

潘景純 張伯起

朱伯熊 伯虎弟淮東提舉 章移忠

郭璩 海鹽人 鄭丙

案是科通志誤入梅顥又舊志癸丑己未二科誤併今從至元 柳一飛 曹元鼎

志改 柳梗

熙寧三年 庚戌

張仲无 以下嘉興人 柳大韶

凌皋 戚簡

聞人璩 建孫朝奉郎賜五品 黃裳

服 朱聞

聞人琳 昌化知縣 朱端復

吳公美 貫開封 朱允

熙寧六年 癸丑

梅 貢 瀨子海鹽人

以上三十五人
特奏名俱嘉興
人舊府縣志
科年無攷

元豐二年 己未

梅 灝 圖經作顯

陸 周 戊辰海鹽人

錢 著 以下嘉興人

徐之純

廖漢章

柳廷俊 工部侍郎

章 粹 貫建甯

聞人益

倪直侯 探花

杜 直 榜眼

崔友直

呂益柔 榜眼貫開封刑部侍郎

郎

張徽言

郭三益 掾子同知樞密院事

朱 諤 原名紱伯虎從子榜

眼哲宗改名謝恩詩有云起家選舉一

元豐八年 乙丑

元祐三年 戊辰

元祐六年 辛未

白屋連三榜平地青雲第二名

紹聖元年 甲戌

富開 朱之純 貫開封 柳廷傑 廷俊弟

紹聖四年 丁丑

呂桓 一作栝 張天材 更名卿材

元符三年 庚辰

錢隨 以下嘉興人

崇甯二年 癸未

朱紘 紘弟三甲 第一人

崇甯五年 丙戌

吳錚 王麓

張旬

呂少蒙

陳斐忱

魯詹 提舉兩浙路市舶海鹽人

大觀三年 己丑

柳約 廷俊弟 以下嘉興人

聞人宏 通州司法

張昭

董之邵

政和二年
壬辰

陳之元

姚穀

更名焯

周公彥

衛士達

改名仲達
館職

黃子服

周綱

陸友諒

海鹽人

莫儔

狀元

范遜

陳與義

嘉興人

衛開

開入行科宣
教郎以

下俱崇
德人

黃鎮

黃瑗

鎮弟

謝處道

以上西人
嘉興湯志

並入選舉
今從浙江通志

張康朝

董將

至元志作
將

陳確

羅彬

重和元年
戊戌

宣和元年
己亥

李長民

舉博學宏詞科秘書

衛膚敏

闕從子探花又舉八

宣和二年
庚子

朱炎

崇德人

宣和三年
辛丑

聞人穎立

上舍

宣和六年
甲辰

范闕

沈晦 狀元崇德人

建炎二年
戊申

黃鉉

甲科

黃操

蔡宿

海鹽人

張睿

崇德人

紹興二年
壬子

孫彥朝

貫開封以下嘉興人

紹興五年
乙卯

任盡言

質言弟甲科淮東提舉以下二人貫眉州

任質言

樊光遠

省元貫錢塘

朱冠卿 以下二人 貫開封

葛温卿

魯 嘗 以下海鹽 太府卿

人

魯 晉 俱詹弟

錢 宏 崇德人 至元志云 祖政姪萬中

祖政姪萬中

紹興八年 戊午

陳 璫 以下嘉興 人

董天民

陸之淵 海鹽人

紹興十五年 壬戌

周 徽 以下嘉興 人

潘 旦

魯 藝 以下海鹽 人

陸之望 之淵弟

紹興十五年 乙丑

潘 瑋 甲科安慶 軍教授

陳伯達

張 南

趙師煥

太史洵武 貫鹽官

葉利用 以下海鹽 人

紹興六年
戊辰

魯可簡 管子

張康

徐瑛

林公望 福建提舉

張偉

俞光凝

柳仲永 貫鎮江

王允功 以下崇德人

張然

丁三畏

鄭聞 省元參知政事貫開封

張廷筠 昭子

陳駢

魯璪 詹從子以下海鹽人

趙師久

趙彥深

錢萬中 宏從子崇德人

錢良臣 參知政事知鎮江府

選舉一

紹興五年
辛未

紹興四年
甲戌

陳禹錫 以下嘉興人

唐鐸

徐銳

仲達子處州教授

衛稷

陳閔 海鹽人

魯文謐 以下崇德人

杜申 人

徐浚 琪從弟烏程令

張潛

聞人符 穎立子

林采顯 舊志作宗顯誤

周謹思

朱汾

聞人阜民 符弟上舍通判

陳師正 舊志作思正誤

樊抑 光遠子

趙汝能 知全州海鹽人

許克昌 貫洪州以有官充榜

眼

紹興七年

紹興三年

蓋經甲科貫開封戶部侍郎

沈揆侍從

張諫

王明弼

錢聞禮聞詩弟

張伯垓吏部尚書

呂篆貫平江

衛博稷從弟樞密院編修

侯持國

柳大雅貫臨安

陳之方貫建州

樊廣光遠子

陳夢鵬貫湖州

趙希仁中大夫廣東運判

以下海鹽人

趙不愚士坦子

劉處仁

魯可封詹子烏程令

莫若晦崇德人

紹興三年 壬午

隆興元年 癸未

錢聞詩 以下嘉興人

張序

趙善侏

邵哀然

張子泳 一作朱子

呂旦

趙汝明 汝能兄 以下海鹽人

趙希仰 希侗弟 晉陵丞 一作

已丑

魯可宗 嘗子

莫抃

朱繹之 貫湖州兵部郎中知

乾道三年 丙戌 魯可宗 又舉博學宏詞科官

至太常卿

常州

吳伯凱 以下嘉興人

徐玠

趙善調

孔彰

王靜

婁機 參政

嘉興府志

乾道五年
己丑

周益

陳登

陳師堯

柳梓

徐元莫
以下崇德人

趙汝愚

趙學憲
汝愚子知靖江府

陳炳
上虞令

王觀國
貫開封以下嘉興人

陳舜舉
右榜進士嘉興人科隆興年袁志作

乾道五年

林廷瑞
貫平江

郭堯

葉昉

趙彥琇

陸峻
刑部尚書以下海

魯璠
璠弟

常濬孫
福州教授一作壬辰

錢文

陳允
師正子

乾道八年
壬辰
常濬孫
又舉博學宏詞科

嘉興府志
卷四十一
選舉一

三

清熙二年
乙未

陳伯揆

張橐

任巖叟

趙善愧

趙伯瓚

徐綱

德人

莫元忠

衛藻

趙彥琬

以下海鹽

一作乙未

通判湖州崇

若晦弟通

判德安

仲達從孫

知武岡軍

丁大舉

丁大聲

魯升

以下海鹽

趙彥清

莫若冲

下崇德人

徐晟

趙師懔

張之德

可簡子知

烏程縣

彥深弟一

若忠弟大

理丞

琪子

德人

清熙五年
戊戌

選舉

清熙八年
辛丑

沈明遠

趙彥濟
彥清弟海鹽人

柳說
貫臨安

聞人綱

朱端常
州戶部尚書

陳之綱
宰海陵修捍海隄

以下崇德人

陳之純
之綱弟

蔡開
知岳州

莫若拙

王用亨
襄陽教授一作戊辰

衛涇
狀元資政殿學士

俞建
光凝子遠弟甲科

俞遠
建兄

葉時

石辰之
涇弟

衛漢
涇弟

莫似之
若晦弟崇德人

胡林卿

錢師文
石門鄭志作盛姓吏

清熙二年
甲辰

清熙七年
丁未

選舉一

王正綱 貫泰州

部員外郎 以下崇德人

沈倫

莫象

周雲

錢鶚

趙彥倫

王樞

趙希侗

李九箴

許興裔

張一清

海鹽圖經仇志

更正

趙彥滄

趙崇堯

常楷

宗正丞

徐逢

浚子 以下崇德人

莫及

莫光朝 以下二人

徐龜年

知徽州

林至

秘書省正


錢攷

林大章

王炎

嘉興元年 己酉

紹興元年 庚戌



趙彥伸

錢秀發
郁俊民

趙彥璠
彥玠弟

趙善毅
不愚子

趙汝璚

李昌宗
朝奉郎
以下海鹽人

人

魯珏
可簡子
珏

徐昂
晟弟
以下崇德人

徐邁
逢弟

陸峻
秘書郎
通

趙師旒
伯璵子
嘉興人

陳舜舉
以下崇德人

案乾道間有右
榜進士陳舜舉

通志注嘉興人
此實崇德為令

守列政事傳
恐是二人

莫澤
刑部尚書

姜輝
甲科
以上舍
以下嘉

人興

錢撫

侯允

癸丑

慶元年
乙卯

孔掄

周日嚴 雲子

陳保中 內舍

陶大璋

鮑章 內舍

趙汝詒 內舍嘉興

蔡源

凌次英 貫錢塘 以下嘉興人

魯秀穎

徐俾德

沈棐

蔡闢 開弟崇德

張淡 後子嘉興人

張渙臣

徐遠 後子崇德

陶洪 以下嘉興人

趙汜夫

唐夢符

徐逢年 綱子龜年 以下嘉興弟

陳思 第一

朱表臣

查雲 趙圖記作 木曇

沈魯卿

趙勤夫 右榜進士 揚州正將 科分無考嘉興 人袁志作嘉泰 二年玉牒 所勤作勲

慶元二年 丙辰

慶元五年 己未

嘉泰二年 壬戌

開禧元年 乙丑

嘉定元年
戊辰

崇德人

陳之經
之綱弟

衛洙
涇弟 以下嘉興人

柳佑祖
張林

魯鐸

衛玠
仲達曾孫 軍器監丞

江貫
鎮

魯策

婁體仁
省元

潘振

劉元晉

計朋龜

陸鑣
綬從子 以下崇德人

輔大章
廣子 武岡令

陶大甄

常衍孫
澹孫弟 句容丞 海鹽人

沈木
以下崇德人

張珪

趙汝郛

江表祖

嘉定四年
辛未

嘉定七年
甲戌

嘉定十年
丁丑

王尙輔

趙崇璋

魯文若

海鹽人

趙汝珩

馬 暕

陳 暕

金部郎官
守南劍

陸德輿 童科年分
無攷

趙時椅

汜夫子

趙崇稽

汝珩子

楊元勳

魯文伯

文若弟海
鹽人

陸德輿

吏部尚書
以下崇

德人

錢 昱

陳 燿

暕弟宗學
博士以下

嘉定十年
庚辰

嘉興人

趙與生

希叔子與
理弟

孫一飛

林 華

至子

潘忠恕

振子省試
經魁

趙汝訓

胡 琚

林卿子

趙汝擢

張璠

王熙載

沈應元

沈既濟

趙汝弼

趙希膺

魯之大

平東

沈炎

嘉慶元年

壬午

嘉慶元年

癸未

以下嘉興人

張楚材

徐協

元莫子

海鹽人

崇德人

資政殿學士 徐聞詩 八歲通九經童子科年

分無致

嘉興人

趙與陞

趙與翊

常熟令奉議郎

趙時勇

趙與橡

趙坨夫

趙漪夫

趙彥祕

趙澍夫

趙汧夫

趙與機

趙孟敏

趙希檜

趙與時

趙崇治

趙善辭

不愚子

趙宗愜

趙崇愈

趙崇昔

趙汝堂

趙與曾

趙崇談

趙汝熠

趙與言

趙崇梢

趙窺夫

窺夫弟

趙與善

趙恣夫

以下海鹽人

趙孟堅

胡宗儒

以下崇德人

紹定二年 己丑

陳鑄

時任 以下嘉興人

沈充

莫何 以下崇德人 俱若冲子

黃英發

時伸 任兄

余任禮

徐炎 元莫孫

趙孟推

徐箕

徐聞詩 惠州守

沈迪

趙汝衡

張碧

趙汝欄 以下崇德人 一作癸丑

趙必棣

紹定四年 辛卯

李景勉 太常丞守 臨江嘉興人

聞人宇 海鹽人

紹定五年 壬辰

莫之禦 上舍 拆從子 以下

莫環

趙汝檔 桐弟

莫璞

莫季謙 若拙子

徐士豪 協子

端平二年 乙未

趙若炳

俞夢得

趙時梓

樂公明

趙若輝 若炳弟

張璞

趙時楷 時梓弟

趙汝穠

杜從龍

蔡直方

宋正禮

呂重庚 大理正

趙時祝

趙與理 與生兄

平章 東從子崇德人

趙與積 與理弟 以下嘉興

嘉熙三年

戊戌

人

聞人仲脩 阜民孫

趙必高

沈應高 斐子

錢宜之

錢廣之

周光龍 一作海鹽人 以下

崇德人

趙時哲

焦炳炎 探花右文殿修撰

沈斗祥

淳祐元年

辛丑

選舉一

淳祐四年
甲辰

趙孟議 上舍

趙時鼎 上舍

蔡廣 上舍

唐震龍

趙孟圭

常賢孫 海鹽人

莫仲通 崇德人

葉隆禮

林子善 淮西參制

魯鼎卿 以下海鹽人

常 林同曾孫別院賦魁

陸夢正 以下嘉興人

洪應辰

婁應元

郭晦

朱宗強

吳君閔

曾森

陸 沒 以下崇德人

趙崇籌 汝欄汝楷從子

焦煥炎 炳炎弟特奏名

陳 愷 端明殿學士

徐 灼 以下崇德人

莫 梓

張益之

張 能

莫如之 明從子

焦煥炎 淳祐間右榜進士通

志注嘉興人科

年無放案趙圖

記炳炎弟煥炎

傳僅稱亦舉進

仕至鎮江守恐

非一人又劉志

作紹熙年袁志

淳祐十年
庚戌

淳祐七年
丁未

寶祐元年
癸丑

錢拱之
以下嘉興人

趙孟逮

趙必燧

趙崇穆

婁應新
省試經魁

呂翊龍

婁應庚

潘應大

郭圭

平昌

朱鵬飛
崇德人

李曾伯
觀文殿大學士崇德人

人貫臨安

沈達
字元志作達可

下嘉興人

吳英發
下四人列石門志誤

趙若誼

沈寤龍

唐天麟
太學嘉興學正

馮夢桂
崇德人

寶祐二年
甲寅

寶祐四年
丙辰

開慶元年
乙未

王允之
以下嘉興人

葉汝舟

柳正孫

鄭拊冀

金 釐

錢夢炎
甲科 以下嘉興人

張漢輔
太學

聞人珏

魯天麟
一作海鹽人

趙與鼎

唐堯臣
以下童科

趙必穉

年分無攷

趙由璋
孟安子

包時習

趙孟安

包時中

朱安國
宗強子 應發弟

包時飛

沈應子

唐夢龍

趙崇毗

唐天龍

趙必弱

張伯瀆

趙孟林

趙崇恁

趙時拙

選舉一

咸清四年
戊辰

趙若淑

趙崇嘏

沈起巖

趙汝慤

趙孟葆

趙孟瑀

趙孟華

徐碩

沈應發

希宗孫
以下海鹽

與曾子

孟葆弟

應子兄

趙孟個

張伯瀄

張應明

翁自道

曹應符

趙長汝

趙與燧

徐應得

孟林兄
一作垵

琬子一作
辛未崇德

嘉興人

至元志作
自衢

案以上五
人通志俱

咸清七年
辛未
咸清十年
甲戌

元進士

延祐年

鄉舉

童科附武科

俞鎮鄉舉第一
通志以

下俱嘉興人

俞銳鎮弟

吳琪鄉舉第一
以上三

人崇德新志以選舉

王景

鮑恂鄉舉第一
崇德新志

舉入選

吳性道

案通志六人均
列延祐四年丁
巳前四人又列
延祐二年乙卯
張起巖榜進士
恐誤

黃玘

延祐年

俞鎮建德路知
事

俞銳龍游主簿

吳琪

王景侍書學士

至治三年

癸亥

屠曾省試第一
臺試二十

七備榜建康學
正又作至正乙
巳

嘉興府志

卷四十四

選舉

至順年

陸景能
趙圖記嘉興湯志作

焦熙
七歲甲童科年分無

考

至順年

陸景能

聞人樞

龍景

聞人樞
焦熙

至元四年
戊寅

趙俶
省試第七至正四年

至正三年

沈廷珪
省試第九俱海鹽人

至正三年
壬寅

許徵
省試詞草

至正三年
癸卯

沈廷珪

朱勉之
至正間武科嘉興人

年分無攷鎮守千戶袁志作志治元年任嘉興鎮守千戶

至正三年
乙巳

張翼
嘉興人

貝瓊
崇德人科年無考國

子助教



嘉興府志

卷四十四 選舉

尺

